



34688

琳齋詩稿卷六

江夏王景彝琳齋氏著

題丁烈婦周太夫人事

丁氏一門集人瑞丈夫文德女節義載於邑乘爭輝光水木
本源皆有自

真人九五乘飛龍鱗鱗潛起荏苒中

王化先及於女子貞潔頗有周南風舍生取義吾何懼笑指
碧波是歸路蠶豆橋邊逝水流人傳三次沈身處世知大節
一淨不知大孝根天性惟其奉母不恤身所以見危能授

寶善書屋詩稿

卷六

一

命哉戴文節公言死非猝辦由豫定紛紛節孝虛名耳苦
志貞心安有此孝是臥冰之王祥節是懷沙之屈子倘教置
之鬚眉中逆子貳臣皆愧死節孝高風蔭萬春至今闕閱萃
簪紳傳之後代姬姜隊定有聞風興起人

題丁烈婦王太夫人事

人生德與福深願後人效捐軀以成仁不願後再蹈美名固
所欽苦節亦堪弔人意雖如此世運實難料偉哉周安人光
輝永灼照垂之二百年櫓槍忽吐耀粵寇包紅巾滿地無理
開蔓延武林城姬姜懼兇暴矯矯王貞姜一心從吾好幼讀

烈婦傳欲耐祖姑廟長吟兩句詩早拌一死肖白水與白刃
異絃而同調相逢少室山破涕同一笑

同社友游靈隱韜光兩寺分韻得更字

靈胡綴以隱霧豹不入穿光胡冠以韜山雞不舞鏡尋繹命
名義隱與我輩稱我輩蚤掛冠探幽恣游泳矧逢秋氣收歛
藏乃時令乾坤閱菁華草木還本性主人

高白叔少年鄉魁
數次不赴春明矣

亦達觀久矣謝奔競爰約同心人一暢游山興初從雲林入
曲折得幽勝泉以冷而甘山以飛而勁鼓勇躋危峰忘老策
疲性登高縱一覽萬象入包孕芙蓉散餘芳老女晚妝靚海

寶善書屋詩稿

卷六

二

色引遙矚瀑流洗清聽池無贖金蓮臺無遺丹甌

金蓮池煉
丹臺皆韜

光古蹟

興盡復下山禪堂理觴政盤肴雜葷齋

是日寺僧辦齋
主人復增魚肉

酒杯中賢聖我更進一解聊以資互證隱如非真隱終南亦
捷徑韜如非真韜文社執朝柄山林啟紛擾道德失清淨眞
人笑其芒高士弔其病何如我輩達樂天而安命不慕仙飛
升不學佛入定青山隨往還白雲相持贈獨得韜隱意葆此

靈光瑩後約又重陽良會不嫌更

時酒散復訂
重陽之約

重陽日余將返楚吳筠軒觀察高白叔中翰江秋珊大
今借登高爲名餞余於秋珊之花塢夕陽樓座客申

錫之明府蔣克嘉參軍自辰至亥棋酒歡笑眞九日
第一良會也作此以誌弗諼

重陽本帶蕭然氣離別更深黯然意此時此事總生愁安得
掃愁帚一試諸公有意破愁城特選名園開勝會翹冀慣蒙
高士憐楸枰舊是神仙事天公亦助達人歡不沿滿城風雨
倒是日大晴蘭亭會上僅晝接桃李園中徒夜醉豈如我輩晝夜

兼黃人素娥皆不棄朝穿芳徑看霞生夕上高樓待月至不
吟杜老多病詩不灑文通銷魂淚離筵化爲歡喜場感秋變
作嬉春戲重九閒愁一掃空二三知已有眞契笑問花塢夕

寶善書屋詩稿

卷六

三

陽樓此是人閒第幾次

十月十八日送陸彥頌大令赴荆門直隸州任

才從堂下聽鳴琴忽報絃中帶別音此日雙鳧隨鶴去他年
五馬夾驄臨黃花晚節留穠馥紅葉新霜布遠陰笑我諸侯
老賓客待公東閣酒重斟

杜蘭泉和前投長歌詩以酬之

郵書前已付洪喬遲我三年接海潮

君詩於辛巳年和就寄浙不料竟付沈浮

事從來多挫折放歌如讀賦逍遙兩輪心月通千里十日頭

風愈二宵

時余正患頭風得君詩遂霍然

自笑木瓜漫投贈余先以詩引之新詩和

到是瓊瑤

蘭泉復投四律如數和之

楓落吳江句夙成更於見面勝聞名今朝門內長虹氣昨日
簷前喜鵲聲一刺乍投簪已盍兩心早與蓋同傾三年詩稿
爲鍼芥不是閒鷗浪結盟

偶然歸興起蕪鱸拋卻杭州返舊都從此低頭拜東野不須
迴首憶西湖騷壇謬說雙勅敵宦海終慚一腐儒黃鶴樓頭
辛氏酒相期乘醉縱歌呼

一枝詩筆海潮翻寸晷看成數百言君以苦吟追飯顆我還

寶善書屋詩稿

卷六

四

消渴似文園

時余臥病

遨游尙有重尋約唱和初交第一番莫怪

波瀾無異派沱潛江漢本同源

君籍潛江

不待吹毛已得癩

來詩有好檢鴻篇付制刷語故此首答及

畫眉自覺入時難癩

心亦欲災梨棗明眼終愁辨艾蘭倘使千秋供覆瓿曷如九
轉竟藏丹矧逢知己同聲應古調何妨相對彈

疊前韻再和蘭泉

雙鳧敢說步王喬歸興無端趁浙潮竟似馬當風巧送不愁
鷺嶺路終遙搏沙到處逢良友翦燭還期話永宵華竟武昌
魚味好老饕何忍戀江瑤

江瑤柱亦浙省珍產

渡漢陽訪彭味之侍郎名久餘同邑不遇留題

七十翁尋八十翁相思畢竟不相逢我猶汲汲蠅頭利余時人應

高觀書院山君尙營營馬鬣封公以葬事赴鄉未了風塵同一笑無

端雲樹隔千重何時二老雙攜手載酒高登大別峰

十一月二十三日舟中夜坐是日冬至

秋深我遄發有子話終夕海角三層樓渾忘是離別冬深我
遄歸一僕長相隨案頭一壺酒轉復愁孤羈憂樂豈頓異聚
散變人事始知頽年人獨行終非計一枝燭高燒燭盡更無
聊拌翦燭三條和霜鬪一宵

寶善書屋詩稿

卷六

五

舟中冬至夜

重九催人去微陽送客還風波正平定雲物亦蕭閒無處探
吹管安心學閉關梅花開也未消息問寒山

嘉平五日起許穉麟棋會

廿年頻過烏衣巷橫河橋許宅乃浙省老世家今日方登綠野堂龍馬精

神真有種鳳麟骨格付諸郎高人偶理閒功課別墅重開小
戰場我似諸侯觀壁上未知楚漢定誰強時穉麟與國工對弈

十三日又赴高子韶棋會

汝南宅裏曾迎客常侍堂前又筮賓我對神仙翻一笑於今

忙煞癡柯人

除夕 時年六十九

莫歎年將盡翻欣夜嚮晨待完今夕漏便作古稀人瓶做猶藏酒肴麤向款賓黃金擲虛牝我有一囊春 時些小俸餘盡被人吞去

光緒十年甲申

元旦曉望

紫氣遙生大海瀾紅霞先起五雲端元辰無限祥和意不是閒人不解觀

正月初七日大雪

寶善書屋詩稿

卷六

六

天留一雪在春前

初八日立春

爲與人閒釀瑞年海上將軍息烽

火山中隱士洗林泉近儲九十穰華景遠接三千冷淡緣祇

有袁安渾不管茅廬擁被正高眠

買燈詞

吳越王錢俶貢錢買展元宵二日故杭州以十八日爲燒燈節後世爭作買燈詞

香車寶馬競喧囂一聽雞鳴便寂寥天下踏燈爭一夕武林

獨有展元宵

與民同樂真王度買笑揮金俠士奇五代亂離歡會少六橋

已又太便宜

傳柑好會續佳游掃盡千門萬戶愁可惜阿姨三百萬祇供

天子一纏頭

一龍雙鳳徹宵連真箇錢王解用錢更向廣寒捐萬億頓囊
買得月長圓

入嘉興府界

游客何須絮問途當年風景憶模糊
女桑一片迷離處便是
鴛鴦住宿湖

輓秦澹如都轉

各湘業無錫副榜浙
江候補道署運使

歸來朋輩故依然淮海何期館竟捐
蓮社難留老詩伯錫山

又失一鄉賢清風合受蘋蘩薦

浙人士擬祀公
於龍井古寺

絕筆空存芍

寶善書屋詩稿

卷六

七

藥編

今春同游鳳林寺賞芍藥
公有三絕句竟成絕響

此後早梅詩句就誰將一字

作師傅

公闕余社作間有
指正皆令人心折

文人不約淚齊彈故吏同聲哭好官淡泊襟懷超宦海精嚴

格律冠騷壇訥言周相終持重

公口
微吃

集古歐陽更達觀

公精
識古

器亦六一之稱
物而不留物也

可惜一編鐵華集未曾作序弁其端

同人擬
刻鐵華

社稿請公作序乃
先歸道山惜哉

二月初一日盛愷亭觀察集鐵華社友游西湖到者五

人吳筠軒丁松生修甫叔姪主人及余也約而不到

者三人高白叔張子虞邊竹潭也

載酒游湖年復年今年此例少變遷主人已備十七八約客

來時攜一鮮主人已備船隻酒肴但約客各攜一味來耳衆肴合成一盛席坊佛

大酺會醪錢首從孤山探梅鶴蔣祠劉祠相接連蔣湘泉劉克菴雨中

丞同建祠西湖同諡果敏古人遠弔一和靖巢由風節追中天今人近慕

兩果敏衰鄂毛髮圖凌煙處士忠臣俱不朽亭池草木皆華

妍鐘聲飽聽鳳林寺茗味細啜虎跑泉蠟屐事畢飛酒盞樂

哉五君聚一船酒中樂酣意忽動有約不來心歉然口占既

憶高常侍謂白叔腹笥又懷邊孝先謂竹潭三影詞人亦不至謂子

虞樓臺寂寂停鞞輓夙夕所期竟未遂今日之樂遂不全我

寶善書屋詩稿 卷六 八

正惆悵忽有悟參透佛門無盡禪萬事何能皆滿意微缺限

處勝團圓三十四亦好月七重八重亦高天一城不破亦

樂毅一閒未達亦顏淵即今八人已五至不喧不寂亦歡筵

何必區區較多少我之所見毋乃偏惟有飲酒鼓詩興一掃

感今弔古懷人之紛纏

喜張子虞入翰林名預浙江人

鳳林芍藥兆金圍知有文星耀紫微倦鶴亦張霜鬪舞驪龍

竟奪錦標歸廣平曾著梅花賦學士終披柳汁衣始信余言

差不謬才人後福有先幾余送子虞赴春明詩曾有天爲才人儲後福之句

幸從白社合青萍茂叔園中偶聚星

余與子虞初會於周氏澹園

怪石奇

松猶舊圃

此圃有玲瓏石白皮松子虞及同人均有詩

翔鸞翥鳳已

彤廷玉堂早共推三影金鑑還須待九齡他日使車過故里

西湖風月約重經

遲梅

二月中旬始放

冰霜鎖住暗香濃未許先期洩化工留得山林高格調和他

桃李鬪春風

本來領袖冠三春何意蹉跎步後塵寄語羣芳莫相妬者回

不是占魁人

寶善書屋詩稿

卷六

九

暖風麗日仲春多百卉爭居安樂窩今歲天公有深意要令

冷淡被陽和

戴蕊眠香趁歲華穿紅拂紫逞天斜笑他擾擾閒蜂蝶才識

人間有此花

次丁修甫送行原韻

拋卻湖濱又漢濱半生蹤跡總如萍河舫海舶忙何事

自浙返楚

須先乘河舫後上輪船

楚尾吳頭絆此身多感青眸垂朽木自嗟白髮

作勞薪明年定染將枯管來與諸公賦早春

春游

游客飛揚興芳郊冶蕩春馬知沽酒市蝶撲采花人擲果車
爭滿懸錢杖不貧少年與衰老同一趁良辰

暮春登吳山

萬鏡廠西洋如臨迴望場劍丸思漢世錦樹想錢王人密茶
增價花濃酒減香紙鳶殘條線搖曳掛斜陽

菜花

千紅萬紫謝繁華又看人閒有用花碎玉影堆村女鬢散金
天富野人家棟風信遞丸傳蠟草雨酥流水淨沙前度劉郎
今再至荒庭惟爾鬪橫斜

寶善書屋詩稿

卷六

十

生就天然雅淡妝忍教踐踏縱牛羊莫嫌豔薄難供賞要識
根深亦帶香落瓣偶然同細麥生華畢竟勝枯楊平原一片
迷離影錯認西河壤色黃

休徵已報蕙生厨寔海欣欣茂筍蒲柳線穿成金絡索秧鍼
刺就絳羅襦勾留茶女還桑婦點綴瓜疇與芋區倘伴蘋蘩
作清供佛門不數玉盤盂

幽姿未解傍朱門野性何勞植玉盆聚雪一畦風淡定零星
萬點月黃昏趨時不入梨桃隊得氣均雷雨露恩祇有案頭
菹葑客庾郎對此定開尊

再詠菜花

吐芳只倚畝東南玩賞無人分
自甘潔淨合盛采桑營清高
不上賣花籃廣原平衍開稠疊曲徑蕭疏放兩三老圃相看
翻一笑飲香聊以慰吾食

一任東風似虎狂依然團結不飛揚
參差莫誤金三品幽靜
宜依黃四娘時有繞脰雛犢嗅不勞采蕊晚蜂忙願分浩蕩
看花眼來覽空山筍蕨鄉

細是肌膚淡是神嫩黃一洗輒紅塵
愁逢秦隴思莼客喜遇
周原采芥人柳絮偶來同弄影
稻花雖好不關春此芳未載

寶善書屋詩稿

卷六

十一

羣芳譜合入農書進

紫宸

免使蒼生怨饑年濟時羞作媚時妍
一村雞犬爭新粟滿地
兒童拾碎鈿組織千畦成繡谷
橫陳萬畝小花田莫嗟野色
無人買水面荷錢箇箇圓

淡紅香白自羣羣獨向幽人襲
古芬曉與鹿茸同醉雨晚偕
蠶豆共眠雲幾行碎粉泥金帖
萬字回環織錦文喚作東風

東風菜名見
吳都賦注

真不負春光要與百花分

四月初二日由杭赴滬舟中作

河干慣見我臨津
舟子依依似故人
竟日羈孤無偶語
晚花點綴有餘春
茫茫歲月風中絮
落落煙波水上萍
天氣正長身
又暇臨池展卷莫嫌頻

初六日到上海口占

頻年來往春申浦
祇恐春申亦笑人
好客今無公子在
空餘風月款嘉賓

二十九日移住省垣高觀書院時邑紳延余主講

八分山色擁雲來
兩道清流引鑑開
古柏近懷丞相廟

西接會文

正祠

荒煙遠弔楚王臺
雨攙苔影侵書幌
風送嵐光入酒杯

寶善書屋詩稿

卷六

七

大塊文章爭假我
此心不拂已無埃

鄭袁未副廣文名
聊以詞華證性情
要化圭棧須蘊藉
能消福澤是和平
高明天啟風雲會
慚愧人呼月旦評
擬把細流益滄海
一篇秋水憶莊生

高觀書院口占

蚤歲曾依數仞牆
一行作吏阻升堂
豈知芟製蓉裳日
又接

崇壇古杏香

高觀書院上有聖人殿余以二十年老司鐸出而爲風塵吏者又二十年乞病歸來重依聖廡

右收江漢左南湖
環繞居然一大都
莫道八分山缺限
要留

不盡與寰區

形家謂山名八分功名故未能顯赫豈知造物忌盈留此一二分殊綽綽有餘裕也

大纛搖風校閱場平原一片陣雲涼要知天設書林意暗寓

文昌在武昌

下即閩馬厰係我省大吏
閩兵處亦文經武緯之意

星分翼軫接奎光傑閣凌雲氣吐芒

院有魁
星閣

更借浮圖一枝

筆補成東壁大文章

寶通寺塔在其東
即用以為文章峰

五代重開講席春高觀遙與勺庭鄰九京想亦掀髯笑二百

年來有替人

先太高祖於康熙歲主講勺庭書院是
時江漢書院未立僅一勺庭生童並課

幽草叢林疊翠煙清風明月護靈泉

院前有清風
明月古井

自慚不帶

神仙骨占得人閒一洞天

半生績學總虛名祇借名山謝友生草樹溷滄析疑意峰巒

寶善書屋詩稿

卷六

三

笑兀賞奇情

古道遙連平遠山中和便是聖賢關

面前大道直接中和門
即吾邑之東南門也

吾儒緯地經天業祇在巖城兩字閒

大雅還須大手扶中丞深意叶中孚三千金入長生庫萬卷

書為衆說郭

彭芴亭大中丞撥金發
書為書院建不朽之基

勞心曾費都人士

曾達周農部劉望洲觀察魯毓泉陳玉六
鄭從山三學博暨諸君子經營創始爇費

苦心功首尤推大布衣

自余東園
發其端

我是高觀一閒客旁觀芍藥

兆金園

見做籠中兒時所讀書尚完好

萬事都隨海變田黃金如水玉如煙誰知幾片殘書紙禁得
人閒六十年

豈真筆墨精難毀未必文章護有神想是雷霆收未盡六丁
亦念苦心人

題李篁仙觀察榆園讀史新樂府

飲馬長城窟千古樂府祖唐有白香山乃傳新樂府茂倩哀
於宋總集別門戶鐵崖創於元專家鬪旗鼓青田季迪亦閒
作往往吉光留片羽彼皆優游几案閒時作含嚼宮徵語誰
如岸獄起悲風獨向烏臺聽夜雨長沙才子今謫仙目送飛

寶善書屋詩稿

卷六

十四

鴻對公輔汲黯抗將軍朱雲詆張禹慷慨爭是非談笑入園
園不祭臯陶廟乃播協律譜幽谷困三歲奇文照千古文山
正氣將毋同韓非說難何足數憂患從來增學問歌詠自然
諧律呂雖然蹤跡似板山公幸生逢

堯舜主世人讀公樂府詩要識詩成在何所

登高觀書院鼎兆亭

危亭一覽浩無邊粉蝶紛排似列筵漢水自隨江水繞金沙
欲共白沙旋

金沙白沙
二洲名

依山園圍饒叢桂

左有楊氏園
中多老桂

傍水

人家種野蓮咫尺

行宮啟閫闔黃牆掩映綠楊煙

午日懷陸彥順名祐太守

之子更新綬時署荆門州游人又故鄉不逢青眼客空泛紫霞觴

令節猶前度長離已遠翔菖蒲古香草持以薦甘棠

閏端陽

盛陽積後月重午世運隆時天再中三尺蒲鋒仍賸綠一林
榴火有餘紅競舟不厭頻飛槩團粉何妨再挽弓此閏非同
常歲閨人閒難得是薰風

山中雜詠

寶善書屋詩稿

卷六

五

枝頭好鳥競來歌知有幽人在薜蘿欲向風前問蝴蝶深山
何處好花多

洗淨郊原十丈塵高峰不厭雨來頻山煙水霧消除盡方見

乾坤面目真

空明一片接蕭森露氣侵衣夜已深明月幽人兩依戀六街

清夢正沈沈

閒雲偶過讀書齋萬籟停時一卷開山鳥不知人在座翩然

飛入小窗來

月落煙橫露漸凝薄雲如墨鎖層層山垣一角微紅處知是

先生未滅燈

贈朱裳吉 各省三浙江人保至司馬

老人有壻感飢驅會費昌黎薦士書已向嵒編瞻翰墨 余壻吳蘭

孫曾被噓拂 又於綺席接瓊琚 客冬復於汪佩珊丈處同席 友朋會合風

吹梗文字因緣水到渠記得老彭說詩伯三千里外訂交初

吾鄉彭于蕃丈前來浙時屢道及裳吉詩筆大佳是時余已神往

衰年又作賣文人千里歸帆逐浪蘋愧占名山虛講席得聯

好友實儒珍 余自浙歸來主講高觀書院始通往來 黃梅雨重江城潤紅藕風

輕麴院新我住西湖君漢水家園相易倍相親 裳吉以浙人而家楚余以

寶善書屋詩稿 卷六 六

楚人而家浙故云

題裳吉家藏顧眉娘杏花白燕圖

貴妃楊柳雖云好不及阿姨一淡掃可惜漁陽鼙鼓來致令

兩道眉峰倒別有江南不倒峰曾隨燕子鬪春風杏花襯出

雙襟白小印猶留兩字紅 尾押眉娘二字小印 梅村空唱圓圓曲柳枝

遺下傷心軸 謂柳如是圖 何似夫人一遠山尚書尙有飽看福

廣五君詠為鐵華社友作也

吳公眞純儒氣度襲圭璧早達鳳搏霄晚隱鴻漸石大業在

樞府古香流翰墨鐵樹一著花 公家有鐵樹一株此鐵華社名之所由起也 林卉

盡無色

吳筠軒觀
察兆麟

愷亭真靜者對之躁氣息石牀琴無聲惜惜含琴德愷亭
善琴
機詩不吟守寂語常默那知劇州守翻似深山客盛太守

松生真異人智囊不可測姓名

九重知面目五尺識米石恆在座吳劍亦掛壁松生家藏石
峰及吳季子

劍諸
古器紛紜正需才閒散良可惜丁徵君丙

白叔真達觀纖塵不能入早乘孝廉船已倦長安轍詩書溢

忠厚棋酒佐高潔老屋百年藤白叔家有古藤
數百年物也西湖一片月

高中翰
雲麟

寶善書屋詩稿

卷六

七

子修真清才不愧烏衣籍卓犖名士風篤雅君子澤特達卽

圭璋高文自典册上林遲長卿玉堂待蘇賦吳孝廉

秋珊真通材吏隱殊自適高興含官商秋珊能詩
並解填詞餘力誅茅

棘萬紅擁詩人秦澹如都轉題其齋額
云萬花紅擁一詩人兩青排故宅秋珊自
闢一園

旁建花塢夕陽樓
可望城內外諸山我來夕陽樓如游極樂國江大令

修甫真佳士輝光寓篤實家藏八千卷修甫家有
八千卷樓都歸一枝

筆少年拾高第視之如無物嗣宗信沈毅謂令叔
松生始平更奇

逸丁孝廉

小梧真慧業辨才世無敵射覆東方生視草屈正則狂飛邀

月杯勤運惜陰巽山林與鐘鼎一囊兩收得宗司馬山

六月二十八日曾達周農部置酒招賞蘭花

秋風吹雨洗炎塵一縷香回萬物春綺室有君卽空谷華筵

無客不幽人雞缸酒泛喧皆寂達周杯盤多係古窰 猊鼎煙消舊亦新

鍊爐尤妙絕 湘水何曾在千里遺芬猶憶屈靈均

展開冰簟倚銀牀祇恐余情未信芳君子心同原是淡善人

交久不聞香盈盈環佩游仙夢脈脈旃檀選佛場我愧當年

王逸少居然曲水一流觴

七月初二日晤鄧獻之名琛余四十年前好友也

寶善書屋詩稿 卷六 大

空山正抱索居愁剝啄聲中刺忽投歲月同驚雲過眼容顏

互訝雪盈頭六橋煙柳余羈旅余作宰杭州今仍住浙 三晉河山子倦

游獻之宰山西今已言歸 今日相逢翻一笑少年意氣付浮漚

拌將收令換曹司燦燦貂蟬勝繭絲獻之已改刑部郎中四品頂戴 四十年

來剛小聚一旬日外又歸期棠陰遙想遺民愛荻訓猶能慰

母慈有菽訓集行世 更纂一編邦國志名山事業照

清時現被當道聘修湖北省志

重建賀文忠殉節處碑亭告成敬志二律

勝朝國勢等搏沙流雲紛紛似亂麻烈士捐軀同一死忠臣

殉國竟全家遺骸曾費神靈守僧服方知弟子差太息故宮
無片碣楚王臺樹已棲鴉

一丈豐碑大道臨雕獅鏤象炳如金依然屈子沈沙骨同此
羊公墮淚心過客爭攜蘋藻薦遺文不受辭苔侵中丞大義

農曹筆

謂彭亨亭大中丞
與曾達周農部

萬古山高與水深

品清風明月泉水

味以閒方領交緣淡始成不須誇第一且占此山清

燒孤紙行

一輪白月橫高空萬點星迸黑壤中初疑衆星隕如雨落地
寶善書屋詩稿

卷六

九

並無石穹隆又疑戰場燐火出燐火深綠不肯紅此火有煙
復有焰碧血對之如沙蟲又疑陸渾山火發山火發每交深
冬此時草木未黃落誰能焚此青蒙茸况復火光閃爍處其
中時有人鞠躬火愈猛時人愈靜屏氣如釣使人恭飛蛾亂
撲蚱蜢躍盤旋自成羊角風不用秦篝鄭縣絡隱隱似有魂
兮從道旁老人爲余道此與濟鬼蓮燈同蓮燈渡鬼於苦海
紙錢暖鬼於荒叢人到中元皆破吝鬼到中元不怕窮且聞
中元有家祭祖廟禰廟俱已豐獨此孤魂無主者死死妙手
一空空捐此萬陌阿堵物濟彼九泉若敖宗居然先王恤孤

意不比薄俗佞佛衷我聞此語腸亦熱好善豈甘讓諸公歸
來苦撻敝囊底不滿三百古青銅癡心欲買鬼一笑雄心欲
與人分功一筐攜取不用貫夜半月高呼兒童院左院右時
高觀書院一焚化有鬼無鬼兩朦朧斯時人鬼皆無聲但聞譙鼓
聲寥寥縱目一望浩無際白月正照白頭翁

光緒甲申歲余主講高觀書院與仲權姪同住山中因

憶此山舊有爛柯棋盤石暇日尋覓竟不可得已付
之度外忽於八月朔日仲權獨步見凹土中有石微
露縱橫刻迹走告余余呼僕攜鋤往掘之則全石畢

寶善書屋詩稿

卷六

三

現爛柯二字宛然棋局交互十九行皆完好爲之狂
喜幸此石之復出因歎古人碑榻其埋沒土中似此
者亦復何限爰題四絕以紀其事亦以見好游者之
非盡無益也

空山頗覓爛柯蹤豈料沈埋草澤中不是癡人理游屐那能
白石出幽宮

赤壁三邦陳迹在岫巘兩地古文留古來遺跡皆如此求劍

何須定刻舟

此石邑志載之以爲附會王質事不知神仙
游戲何地不可安棋局何必定在衢州也

杜老長鑿竟日攜劉伶行處一鋤隨何如荷向空山去撥蘚

披苔掘斷碑

長憾曹瞞太刻深掘墳校尉是何心不如別選中郎將只摸碑文不摸金

八月初四日漢陽門外董家坡民房起火延燒黃鶴樓

余時正住高觀山登高一望情形了然

燈初掛壁月沈山山空微聞人聲喧開門四望白於晝西北一角火燭天登高遙矚起城外想是臨江偶不戒料應撲滅須臾間不至此疆侵彼界高樓孤踞高山巔不與江城相接連尋常一牆尙隔火何况百尺城垣堅豈料西風勢太亟助

寶善書屋詩稿

卷六

三

以洲前萬蘆荻捷如紫電挾星飛飛上高樓成霹靂軒窗八面燦如虹十二闌干曲曲紅仙人不喫元旦酒黃鶴飛入朱鳥宮畫棟雕梁一夕聲無復金碧相輝映勝地重爲瓦礫場游人掃盡煙波興吉耶凶耶不可知老成歎息生猜疑矧值狂夷焰正熾時法夷蠢動祇愁兵燹兆其幾我勸諸公莫悲悼天災不必定凶報憶昔堯廷洪水時草木橫塞禽獸鬪益烈山澤一焚之收拾洪流成再造至今後代思益功大都以賀不以弔况復斯樓幾廢興往事歷歷皆可徵我聞康熙甲子歲此樓一焚藩逆平又見咸豐丙辰歲此樓再焚髮逆清兩逆

皆滅樓火後保非焚或掃櫬槍又或天地抑鬱氣欲倩祝融
一疏利又或羗氏狂暴氛要憑回祿一蕩焚本來造化一洪
爐鼓鑄都歸大轉樞更借伯益一炬火重開

舜陞好輿圖

博士泉懷熊兩溟先生

兩溟名士鵬孝感人以舉人大挑知縣不就改選武
昌府教授推升國子監博士品學俱重一時此泉相
傳爲先生致仕後僑寓遺跡字法古勁刊石壁上久
埋沒榛莽閒余以光緒甲申主講高觀書院校閱餘
閒與姪仲權遍游山麓攀蘿捫葛而得之剔其苔蘚
表以石綠並繫以詩以誌溯洄之意將來重修邑乘
當請補入時八月初五日

先生不厭廣文貧竟以寒氊老此身經學自推秦博士詩名
亦配楚騷人一泉蹤跡猶留隙至今石縫涓滴不絕三字鋒棱尙有神
笑我與公同耐冷數來石上拂埃塵

題琴字石

亦於山頂土中掘出上刊一篆文琴字不知其於何
取義也

寶善書屋詩稿

卷六

三

苔蘚長封一字碑手摩古篆費猜疑豈緣流水高山調只有
蒼巖片石知

信步至山陰見石壁上刻有草書數行字法蒼秀惜蔽

於荒榛叢棘無人過而玩賞之

可惜龍蛇字長幽辟荔叢松關誰與叩雲篆亦徒工土蝕
貧鐵花生秋水銅遙知山海畔埋沒幾英雄

洞賓訪道處

五字徑尺許亦刻山陰石壁上

此是先生慣游處風馬不知來幾度吹罷黃鶴樓頭笛又踏
寶善書屋詩稿

卷六

三

高觀山上露仙耶佛耶互相問金丹錫杖同心印我生懵懂
兩不知只傾三醉岳陽卮

重修黃龍寺碑

山陰平地旁有仆碑意其陽必有文字集健夫數人
撥轉之乃康熙七年重修黃龍寺碑記通體完好僅
缺一字書法文義猶有 國初風味惜其橫陳道左
爲題一絕以俟好事者之扶植焉

區區一寺尙滄桑

覽碑知舊寺在山陰今
寺乃後人所改造也

八尺殘碑臥夕陽

可惜無人重起立綠苔繡作酒人牀

漢上重修伯牙臺

伯牙臺漢江壁遠答正平之羯鼓近和謫仙之玉笛希聲豈
必在絃中流水高山自金石梅子峰頭飛瀑泉明月湖邊弄
風菽至今憑弔碎琴人傷心祇爲知音客此地當年盛歌舞
桃花夫人有祠宇此地舊爲重福寺遺址
有桃花夫人廟今廢賞心士女妙如仙
震耳箏琶自成譜此臺已重修此寺不復補焦桐誰與續朱
絃碧桃依舊落紅雨先生彈琴復碎琴不如昭文長不鼓

彭味之侍郎處卽席口占

相逢畢竟慰相思一笑同傾酒一卮喜我足猶誇鶴脛妬公
寶善書屋詩稿

卷六

詩

與味之游伯牙臺

琴臺曾記蜀中留漢水遙連錦水幽朱履青衫來二老白雲
紅樹又三秋此閒已續牙期曲隔岸重傾費呂樓時黃鶴樓
又燬於火
且對芙蓉慰遞暮莫將興廢惹閒愁

泛舟月湖撫今追昔感慨係之

曾載笙歌恣夜游浮漚一夢水東流同時粉黛皆黃土俠少
豪華盡白頭五十年來如過客兩三人又賦同舟半生憂擾

成何事輸與煙波自在鷗

九月初八日邀朱裳吉汪佩珊劉望洲曾達周曹蓉臺

鄭筱珊陳玉六集高觀山作慶重陽次裳吉韻

歲歲登高勞展齒今年安坐度重陽

余時住此山

更欣不速人皆

集同飲無何計亦良秋信已隨江雁影新詩還帶菊花香於

今翻笑王宏隘只爲淵明送一觴

佳辰未至而將至此際真堪醉夕陽事以預支方有味朋緣

耐久始稱良祇防風雨明朝合且領茱萸隔宿香恰似椒盤

慶元旦先從除夕倒壺觴

寶善書屋詩稿

卷六

五

武林佳士諸侯客家學依然接紫陽

朱裳吉吾楚名幕

惠愛曾留吳

令尹

劉望洲江蘇循吏

聲名亦冠晉循良

曹蓉臺山西賢宰

左傾東觀三枝

筆

謂筱珊學博

右挹南豐一瓣香

謂達周農部

千尺深潭八尺榻

汪佩珊與

余姻戚陳玉六與余共事

七賢同泛竹林觴

由來此會人閒少大似者英聚洛陽所愧二難惟主惡幸逢

四美首辰良

是日天氣快晴

沈沈鼓漏聯清話

是日與望洲達周係珊夜話至三鼓方散

鬱鬱芝蘭結古香願與諸君榮晚節一年一度一飛觴

鼎兆亭夜坐

夜深乘月上危亭欲數天邊歷歷星雲雁影控千里白草螢

光閃一絲青山含翡翠爲羅幔江展琉璃作畫屏俯視塵寰
同一夢不知此際幾人醒

書院偶成

萬卷縱橫結一城天將福地著書生夜耽風月衣裳冷晝抱
江湖耳目清疏井桐高搖碎影虛亭鈴老助秋聲心閒隨處
皆天趣澗草巖花各有情

贈夏斗南學博

名建寅吾
邑孝廉

講堂會合聯雙袂經學淵源本一門

斗南與余
先後同學

當日青藜諸

子共於今白髮兩人存無邊風月期同賞有價文章待細論

寶善書屋詩稿

卷六

美

從此梧桐棲老鳳不愁蝠燕競朝昏

十二月十九日鐵華社友招游吳山分東坡韻得君字

是日立春又東坡生日也

前年東坡生日會我時遠出如勞薪今年東坡生日會我適
新歸如還雲有我無我何足數朋友聚散闕戚欣矧值新春
佳節氣太皞氏帝勾芒神百官當此迎迓謹千門於茲慶祝
伸迺以鄙人年七十諸公借此安觴尊此事不但我顏汗竊
恐坡翁亦笑人坡翁雖未及七十在人居然一甫申我年雖
已盈七十在物依然一方輪前推後挽終不轉毋亦磨竭纏

命身以此慚避不敢受非委嘉貺於埃塵不料諸公意太切
妙將遷就通殷勤

是日余堅據下坐諸公乃換
次而坐仍暗置余於首坐

我感其意徑

首坐謙偽又不如狂真是日天亦解人意日光清明風和溫
山容破睡醒鶴夢水態解凍生魚鱗寒梅尤與我有素孤山
遙送新香新百首詩篇攤在案勝於絲竹管絃陳髮白不妨
開口笑酒紅已變衰顏皺歲暮各有事纏繞如此聚首眞良
因况復此會尤可喜兩席難得倍五君他時記取今朝宴東
坡生日又立春

光緒十一年乙酉正月初二日大雪口占

寶善書屋詩稿

卷六

七

天放元辰一日晴留將瑞雪待三更要知寒燠如人意祇爲
調和王燭成

讀東坡海上諸詩感而作此

天惜南荒少勝游要將名士重炎州朝中若使無羣小海上
焉能識故侯羅帶劍鉞皆嫵媚枕椰榔椰葉亦風流後來紹述
前詩案都爲先生作馬牛

哭詹月樓

肺肝如雪盡知聞跨鶴還乘雪片紛

公歿於正月初七日是日大雪

天上正

迎羊叔子人間已失孟嘗君

公平生好客

東風信到催何速北海

尊空慘不醺可惜一杯人日酒都和熱淚哭離羣

老友於今餘幾個那堪知己又陳人一詩甫就君先賞半世
論交我最真從此談心無伴侶偶然合目見丰神兒亡尙有
孫雛在應是他年繩武身

盆蘭盛開

幽香一縷起蕭齋相對無言洽素懷恰似同心裙布婦傲他

一十二金釵

一生慣結靜中緣妙處聞香別有天况復清芬今現在不須

別索木犀禪

寶善書屋詩稿

卷六

天

輓江秋珊大令

正喜得君同晚節那堪先我赴重泉功名未與才華副著作
猶將久遠傳舊社悲懷垂露筆高樓冷落夕陽煙

君家有花塢夕陽樓

同人時登眺其上

枯毫爲續銷魂賦情比傷離更黯然

前年六十慶生辰長調曾留一曲新

君周甲日自製北曲一套令伶人歌以侑酒

百草青猶回故院萬花紅更擁何人

秦澹如都轉題其堂額云萬花紅擁一詩人

竹看共弔園無主甕算空餘畫有神

君有甕算圖

記種牡丹三十

本定能看到子孫春

遨游尙記連蹤密唱和今猶累牘盈縱酒我爲同病客惜花

君亦太癡生

君購花樹不惜重價栽植亦不辭勞瘁

屋梁落月魂應返柳徑移

家計未成

與君曾有結鄰之約

每過故園門外路西州同此淚縱橫

題張子虞太史負書圖

兵燹亂離場容將手澤忘才人真孝子遺稿卽行囊但使書無闕何辭背有芒昔賢傳負米辛苦味同嘗

此日隨

天仗依然讀父書請看蟲鳥跡猶是虎狼餘家學傳三篋詞臣富五車從今義獻筆墨寶重璠璣

再詠盆蘭

寶善書屋詩稿

卷六

无

十五青銅買一株香飄一月尙留餘始知德耀齊眉按不用千金壓聘書

重三日吳筠軒觀察集鐵華社友於安徽會館之牡丹

亭賞未開牡丹

人間萬事爭一早名花也是含苞好包容方是有情天涵蓄斯爲無價寶日是浴池明月是上弦皎風是蘋末清水是濫觴蝨牛以犢更健馬以駒更矯燕以乳更嬌鶯以雛更巧楊花不如稊盈盈修竹不如筍嫋嫋才子初生已不凡娉婷未嫁強於老何況富貴尤奇福不危不溢始長保稱心美滿非

不佳過眼繁華迹如掃人情物理類如斯精華洩盡卽枯槁
此花亦似知此意豈薏含胎不嫌小色在有形無形閒香在
曰希曰微表太眞時猶作女冠飛燕尙未離射鳥一種光彩
奪目精隱隱已含風露飽筠軒先生蘊籍人參透此旨已了
了藏鋒不露眞太阿留香不盡眞芳草此日况逢秉蘭節祇
除不祥猶古道欲寫香山九老圖時到者九人先屬蘭亭一序稿
我於醉後發狂歌祇恐唐突被花惱

三月初十日由杭州坐河船到上海舟中雜詠

別離滋味已深嘗晚歲忘情學老莊欲把此情盡拋卻無端

寶善書屋詩稿

卷六

三

飛入九迴腸

一片新青吐早秧楊花白襯菜花黃江南春事般般好第一

嬌嬈是女桑

盈盈一水碧於淮嘉樹紛紛傍水栽兩岸桃花齊笑我年年

偏趁落花來

河上蒹蘆江上蘋催人晚歲作勞薪一年兩度申江棹不是

迎春便送春

次韻寄懷張春陔同年

適接春陔來信因春陔現住荊州遠信難得也

銀缸昨夜碎花凝喜自何來笑問燈不料音書傳遠道先將

消息報良朋故人無恙相思慰時事關心感慨增安得上乘
除六鑿要從自足訪禪僧

吟詩苦似定中僧自佩良言閱歷增縱有新篇皆漫興敢忘

贈語負良朋春咳曾力勸
余不作詩巖花澗草幽人榻時余住高
觀書院鬢影

衣香畫舫燈記得西湖舊游跡金盤蠟淚尙冰凝

金雨卿名時
宜內弟作宰江西不見者二十餘年矣今年

四月雨卿忽撥冗還鄉余亦以主講旋里竟成良會

至性至情無粉飾語也

總角嬉游伴分襟二十年誰知老兄弟忽作小團圓絮語知

寶善書屋詩稿

卷六

難盡萍蹤不久延雨卿數日
即啟行那堪離別意又起晚風前

君方移劇縣我亦占名山余時主講
高觀書院敢說千秋業惟餘一字

閒吾頭雖盡白子鬢亦微斑黃鶴西樓月留雲待汝還

哭彭味之侍郎

一聲信報老彭亡老淚悽然灑幾行北斗猶傳韓吏部公以
吏部

主事游升
吏部侍郎南風竟折魯靈光公沒於五
月初三日冰衡校士勾吳郡江
蘇

學院蕊榜掄才古豫章江西正
主考可惜金鉞都散佚後人無處覓

鴛鴦公工文字
未有刊本

少年同侍鄭康成公與余俱為江漢書院
山長袁金溪師所賞識晚節居然尋舊盟

錦瑟雲璈京國夢琴臺畫舫漢陽城金蘭更益葭
萼契玉筍俄翻薤露聲從此渡江舟怕艤西州門外不勝情

公任漢陽西門外

題杜少陵草堂碑刻

妙手空空建此堂牽蘿補屋費平章買山資借良朋力接木
花分別姓香藥裹書籤剛料理橘梢藤刺已荒涼如何草草
狂夫宅竟使千秋不忍忘

門爲臨江不正開燕因有約卻飛回其閒總比羌村樂此地
曾經節度來茅屋廢興關國運雪山輕重付詩才西京甲第
紛無數圖畫胡爲到草萊

寶善書屋詩稿

卷六

三

角黍

介推已見留寒具角黍重聞弔屈平少子得憐緣軟美左徒
被放爲廉貞纏絲已灑英雄淚射粉翻增兒女情我輩妄思
能益智端陽聊以佐臯羹

題夏貞女冊

柏舟忽汎漢江濱又見共姜有替人檀影未窺夫子面麻衣
自著女兒身淚痕積處應成血天性生來不染塵聽說孝經
還熟讀蓼莪千古配松筠

又代友人作

江漢周南化長留萬古清依然喬木節不愧女貞名正是忠
臣氣艱於寡婦情心腸誰得似一片鐵錚錚

放焰口口占

時同人共聚高觀
書院延僧作此會

高觀山頭舊孤寺本是昔年燐火地小時曾逐紙錢風閃碧
叢中恣游戲佛堂一變文昌宮萬丈光芒鬼不容無鬼翻作
有鬼論送窮文比招魂工諸公好善皆勝我萬陌施來一炬
火如來千偈意云何夫子一笑無不可夜深送客出中戶月
落參橫露漸凝鐘磬無聲燈火滅流雲不掩老人星

七夕露坐看燒孤紙

寶善書屋詩稿

卷六

三

月色涵虛白煙光引碎紅茫茫銀漢水黯黯紙錢風天上聯
神契人閒濟鬼窮大千無盡火應徹女牛宮

消夏

爍石流金遍九衢天留一畝作吾廬驕陽正照梧桐影下有
幽人卧讀書

晚步

飽飯先生拄杖行夕陽掛樹暮鴉爭老兵驅馬童驅犢各自
分途慶

太平

中秋口占

廣寒宮殿本天成碧海長留萬古清自有人閒攀桂手嫦娥

從此管科名

是年乙酉正科

水調坡翁恨絲邈鄜州杜老淚縱橫與君破卻窮愁例要聽

霓裳第一聲

兒女庭前學拜時也如瓜果設佳期冰盤競薦團圓月惹得

人間重餅師

楚俗以月餅供月

秋分未必定分秋今歲平分恰應簫

今年中秋日秋分亦巧合也

祇有玉

盤分不破年年留作水晶毬

寶善書屋詩稿

卷六

十四

檢點壺觴待月臨無端微雨結重陰今宵不現團圓相免使

人懸千里心

時見子尙需次杭州

八月廿四日吳愛之招飲肴酒多而旨器具華而雅而

情意周浹尤逾常格詩以紀之

盛筵亦常事君獨得真樂好客還選客不惜倒囊橐庖人皆

精兵侍者亦受約八月桂子香招我話契濶入門一甌茶旗

槍先吐鏢座客半老成謹嚴而脫畧晨羞枕椰麪賦繼蜀都

作午餐粗粃香式自離騷拓高情殊未艾夕膳尤精鑿猩唇

伴鱸尾蔗漿媵杏酪大椀白樹雞鮮鮓黃絲雀盛之瑪瑙盤

挹以琉璃勺羹調青玉椀酒晉丹雲爵鯖鬪五諸侯醬和千
芍藥物多惜主費器盡笑客惡口適味味可欲得人人各懷

橘陸續似割肉東方若

是日兼攜
果餌歸

聽說主人翁好古意尤恪

胸襟安有此酬酌鄉里狐白兒散漫侈揮霍千金買一姬十
萬供一博何嘗知此趣黃金擲虛壑更有藏珠流自詡滋味
薄閉門謝賓客果腹皆藜藿此又一種癖名曰筦庫鑰始知
眞雅人兩病一齊卻嗟我已龍鍾白髮垂纓絡猶將柸老饜
快此一大嚼雖醉卻非狂雖謔不爲虐與君本世交借以申
寶善書屋詩稿

卷六

五

契託從此良宴會勝事傳古鄂佳文祇一篇再構君切莫

九月初七日口占招諸友來高觀山作登高會

我久居深山慣與高相習三百六十日白雲戀青笠才品本
卑下身卻高處立所憾詩無伴覓句苦孤迥更惜酒無徒設
杯厭獨執朝約鳴鳥來暮延素月入一人據一高落落終悒
悒盼得日重九擬招友過十野服以適意不必衣重襲緩步
以當車不用馬維繫巖扉無扇鑰雲徑有梯級爛柯石同坐
明月泉共汲矧茲秋正高萬象憑收拾楓葉成丹砂菊花溢
金汁澄影落江湖清氣滿原隰來作萸觴會猶勝竹林集落

帽最高峰其狂不可及

九月十八日同人集高觀山作展重陽會卽事得二律

次朱裳吉韻

匆匆辜負納涼時祇爲文衡減酒卮三伏最長竟閒過重陽
雖展已嫌遲好乘晚節同攜屐更上騷壇一鬪詩肯與黃花
較肥瘦笑他衰颯易安詞

多情自古推高士猶向尊前弔故人

裳吉詩猶道及去歲與會之曾達周農部

回

首去年朋憶舊釀錢此日例翻新

去年余作東道主今年改爲公分

晚風吹

作無腔笛明月來爲不速賓穿入梧桐千罅隙滿庭清影任

寶善書屋詩稿

卷六

美

橫陳

又是日卽事得七古一首

華嶽峰頭作重九老坡佳句傳不朽我將高觀代華嶽同此
懸崖一揮手是日到者十七人白髮黑頭鬪奔走擬以元愷
多一英方之學士少一叟十六同人盡楚材就中一樹西湖

柳瀟灑先成兩七律風流遂冠二八首

裳吉浙人是日先成七律二首爲同人倡

或尋靜室作清談或據危亭覽遠藪或觀爛柯忘鴻鵠或掃

古碑辨蝌蚪及至筵開聚一堂日晷盈盈已報酉夕陽剛去

素娥來金烏銀蟾皆妙友紫蟹正肥黃花瘦公子秋娘亦佳

耦古來九日半牢騷宋玉悲秋作窠臼大臨阻與爲催租杜
老登臺恨停酒總將苦語酬佳節我來一試掃愁帚諸公各
縱粲花舌狂奴先發談天口引將儕輩一胡盧便是轉旋大
關紐上己己爲蘭亭得寒食又被介山有欲將重九與高觀
未識華微肯讓否

送彭虞臣大令之沔陽

辜負文星躔此鄉三年虛接斗牛光西風移度期何迫北牖
聯吟願未償世誼尙如蘿附薦秋容正報露成霜後彫君是
眞松柏定共黃花晚節香

寶善書屋詩稿

卷六

七

績學彭宜舊有名重開絳帳一傳經吾儕總不離文字聞虞臣此
行亦係斯世猶能重典刑沔水洲前千荻白高觀院外數峰
青他時寫就相思字憑寄江干長短亭

十月十二日買殘菊數本冷豔餘香依然絕俗

花本開遲買又遲蹉跎直到孟冬時早梅替汝爲前導小雪
猶將訂後期蟹惜殘膏無奈瘦蝶憐冷豔有餘癡衰年陶令
辭官後笑著羊裘倒酒卮

殷勤移向畫屏深不使嚴霜半點侵恰似故人結新契最難
秋士抱冬心寥天露臙堅牢玉捲地風留冷淡金祇有耐寒

一輪月猶尋花影入簾陰

讀是科選拔張定卿名尚貢卷列微名於受業詩以謝

之

一幅琳琅絕妙辭讀終不覺汗顏滋九篇君自超潘岳三賦

余猶愧左思江樹競推作翹楚藥籠未便屈靈芝附名受業

吾何敢只算梅花一字師定卿雖在高觀書院應課而私相質者不過律賦數篇耳何受業之

云

紅菊贈鄭筱珊學博名其泰

嘗作桃花一段春要同楓葉鬪精神嚴霜難變丹心客晚節

寶善書屋詩稿

卷六

美

猶留血性人彭澤先生原醉漢西方佛子落紅塵等閒欲買

胭脂贈祇恐秋娘不點唇

光緒十二年丙戌元旦立春

歲歲此元日春來常後先四時同冠首兩好竟齊眉氣朔歸

端正陰陽混伏愆東皇應得意佳節卽新年

金字宜春帖板盤獻歲觴併歸同日喜不用兩番忙花信今

年准葭灰昨夜揚

太平真有象節令亦禎祥

去歲秋分日剛逢八月中

去年八月十五日秋分此元日立春之根也祇緣新桂

月遙應早梅風報瑞燈花鬧鳴歡鵲語工龍鍾七旬叟先釀
醉顏紅

新歲五日王小鐵太守集社友小觀止齋卽事次陶游

斜川韻

勞生苦形役歲朝得小休况我懸車人雅合乘時游吾宗暢
幽興曠懷邁時流藐然厭食雁歸矣慣狎鷗窈窕小巖壑何
必登高邱天氣澄且和亦與斜川儔招彼素心人觴詠互唱
酬吟詩澹滋味幾人識此不非敢銜才華藉以消煩憂結習
在文字終未離取求

寶善書屋詩稿

卷六

三

紅梅 四首以孤山探
梅爲韻○社題

黃帝曾遺赤水珠化身萬億落西湖結鄰葛嶺同燒鼎受聘
林家暫點朱薄怒似嫌雪初壓沈酣欲倩竹相扶巡檐且共
詩人笑莫使坡翁嘲瘦孤

白梅

天工琢出玉連環不用丹青點素顏曉抱閒雲斂疏影夜和
明月臥空山藐姑仙子肌無恙和靖先生鬢已斑此際吟詩
須白戰雪花亂舞鶴初還

綠梅

碧城生就曲闌干，裹住青雲結作團。珠在深山豈愁墜，蘋依
靜渚不嫌寒。偃松雅稱蒼髯古，倚竹誰憐翠袖單。不是羊權
幽意劇，萼華消息有誰探。

黃梅

桂花已盡菊花摧，一片檀心寄早梅。冷蠟千丸報秋去，碎金
萬點買春來。他時結子還同橘，此日飛英亦類槐。攜得鷺兒
新釀酒，大開東閣共銜杯。

題王小鐵太守良宵參畫圖

先生參畫如參禪，開元東塔畫祇園。先生參畫如參道，橋皮
寶善書屋詩稿

卷六

早

畫鶴寓神妙，先生卽仙亦卽佛。舍利金丹繞其筆，先生非佛
亦非仙。文章經濟匯其全，當此風清月白夕。萬籟無聲萬緣
寂，一縷清思入杳冥。滅卻南宗北宗跡，初參紫微伴直軸。慧
業文人享清福，繼參白鹿夾車稿。神明太守留頌禱，晚參青
山著屐圖。停舟宦海游西湖，我是西湖倦游客。平生於畫無
所得，勉成一首畫中詩。試與摩詰證消息。

雪

次東坡聚星
堂韻○社題

葭菼剛盈十五葉，不見明月見新雪。人將燈市鬧元宵。

是夕
恰值

元宵雖大雪，卻
無風燈仍盈市。

天遣銀花鬪雙絕，游女不嫌雲鬢溼。老叟何

憂屐齒折且玩干枝火樹開何曾萬徑人蹤滅夜半歸來掌
共大欲再踏游肘已掣檐楹刻鏤作雕蔓衫袖橫斜繡宮纈
遙憐負擔與征車誰布竹頭和木屑煮酒烹茶意閒暖玉
溫香事飄瞥雙手怯冷無人呵半臂欲添向誰說不愁坡老
衣生稜祇怕少陵衾似鐵

又

閉戶圍爐燒柏葉坐看春初三日雪竈內溼葦煙火微門外
高軒轍跡絕玉川吟罷肩尙聳昌黎讀畢心已折空餘金石
說交情已與煙雲同變滅爛銀攢集假山就素練盪搖飛電
寶善書屋詩稿
卷六
聖
掣宋人之手亦將龜北宮之目或不續何人遍歷斷炊家到
處派分修月屑冷雲相助威雖猛太陽一曙光成瞥咽之代
飯乃孤忠鎔以爲銀亦臆說任他冰筋萬千條難犯全心一
寸鐵

踏燈詞 社題

燈宵未到早安排女伴相邀玩六街費卻蘭膏與樺燭隔年
先製踏燈鞋

元辰風物最清和私計元宵樂事多怪雨盲風莫纏繞祇將
滿月祝姮娥

年年燈月競繁華豈料天時有變差今歲踏燈兼踏雪果外
步步是蓮花

市頭亂石犬交牙微步姍姍慣倚斜天意似憐羅襪弱特教
滿地布銀沙

老夫餘興未全衰也跋青鞋踏一回不意竟遭滕六妬羸將
衫袖帶花來

夜闌回憶少年場記得春燈勝九閭一樣鼇山兼鳳輦天街
別有好風光

吾鄉也是勝游鄉燈市年年巧鬪強夢到南樓簫鼓沸

湖北省藩

寶善書屋詩稿

卷六

望

署前截山建一樓名曰南樓此燈市聚會之所不知身尚在錢塘

錢王不惜萬黃標買得燈光益兩朝傳與游人游莫盡杭州
尙有展元宵

橘羹

限橘字韻五古○社題

大哉調羹手小試易牙訣已采商廷梅更撿禹貢橘茲物含
水精本不入火食碧溪冬著霜黃金秋鑄日萬株傳子山十
枚潤松雪師之則太尊奴之則太褻顛倒任流俗遲暮稟高
潔置諸百果譜允推一尤物不料美膳夫妙得烹飪術初解
皮纏裹次別絡盤鬱去其瑣細核存其軟美質和以芍藥醬

調以梨花蜜甘不借餽回酸肯向醯乞遂列五侯鯖不減大
官秩夫豈乏肥腴不如此芬苾秋羹蕝最美無鱸味不出夏
羹瓜亦佳有鼈漿乃溢彼皆傍門戶此獨稱特達主人鼎鼐
材謂龔幼安觀察
觀察翰林出守舊參槐棘列偶傳寄龍書時運畫鶴筆賜
櫻步少陵煨芋追李泌俗與酸鹹殊志惟淡泊壹笑我踰淮
枳已回傍社樂衰老無可懷聊復恣飽喫

次韓昌黎春雪間紅梅五排十韻

與雪爲良友惟梅有夙因白成千古獨紅間一番新淨奪兼
散水濃消桃李塵雲霞雙逸客脂粉兩佳人耐冷同稱絕爭
實善書屋詩稿 卷六 聖
春不厭煩淡香生是偶肥瘦並傳真著色原無迹騰光各有
神交原天合貴情以歲寒親灞岸騎鱸日孤山放鶴辰珊瑚
依玉樹那得擅奇珍

回文次韻

玉蕊連城璧銀花不世珍無心誇絕品有約集芳辰意以寒
時密情原淡處親風如來作合月亦助精神豈是參空色何
須辨幻真延緣皆自得開落不嫌頻冷夢連香夢高人伴醉
入青皇同顧影紫陌已消塵祇覺清兼逸休憎舊問新衰安
和鄧尉探臥各成因

蘭花詞

千古南陔配白華一汀芳草伴懷沙長吟不爲耽香色爲是忠臣孝子花

會稽山色屏風裏湘水波光鏡月餘一種風流兩枝筆左徒騷賦右軍書

半度蕭疏洽隱淪空山幽谷慣藏春子陵和靖同心侶不要終南捷徑人

冶葉倡條太狎斜乾坤正氣寄幽遐昭儀姊妹皆天豔始信班姬是大家

寶善書屋詩稿

卷六

四

紛紛名字竊清芬淡白香紅共一羣惟有蕙娘方不愧千秋一幅錦回文

豈真男子盡無情何事幽香不吐傾想是廣寒宮裏種祇應月姊有平生

續蘭花詞

滋味由來淡始長臨風獨抱不言芳可憐十戶中人賦祇買三朝結願香

寺名稱若會稱孟也要幽芳飾給孤漫詡如來除結習黏衣還厭此花無

畫師著意寫荃蓀形貌難工况魄魂不是幽姿描不出清風
明月本無痕

幽香雅興靜中宜未許狂蜂浪蝶知啜茗攤書人獨坐月明
風定夜闌時

微雲澹雨又黃昏
裴几筠簾晝掩門
不惜數莖鬚
撚斷祇緣
芳草累王孫

二月二十日宗小梧司馬集鐵華社友於吳山趙公祠

卽事賦詩分得色字

奇觀何必誇新獲祇有良朋最難得
但教聚首有良朋熟游
寶善書屋詩稿

卷六

壘

之地皆生色吳山頂上趙公祠
二十年來屢游陟不但魚鳥
皆親我恭毅有靈亦相識
偶然辰齒重經過大似曹公嚼雞
肋今年少文發游興特令詩社占
其宅陡覺樓臺一改觀只
爲新增三詩伯

謂王小鐵龔幼安
戴少梅三太守

射覆藏鈞興更豪角詩賭

酒情彌迨始知推陳出新方不在勝地在嘉客况復茲山互
杭城左江右湖天擘畫尤喜東風放嫩晴翹塵影裏烟如織
桃梨著色展濃妝鶯燕弄聲代歌拍大塊文章陽春景畢現
嶺橫與峰側莫惜三春去大半依然千金買一刻香山老人
年八十雙鑠是翁眞福澤

謂筠軒
觀察

各山美景與才人三者合

成極樂園自笑聾蟲百不問諸子叨叨我默默酒闌斜倚曲
欄杆夕陽紅映暮山碧

題宗小梧顧曲圖

社題

倚聲非小枝精是道之樞和已諧葭管差容謬黍銖一箱紅
豆子十疊羽衣圖此妙無人識侯門幾濫竽

不圖今阮子能步古周郎妙悟通金奏知音到玉房黃鐘原
異缶綠綺亦歸囊會作中和樂應徵入太常

三月初七日夕陽小酌適盆中白茶花盛開泥飲片時

新月已上時余已買舟旋楚卽擬揚帆別緒縈繞口

寶善書屋詩稿

卷六

四六

占二律

不商不宦不烟霞道是還家卻別家案上留人黃酒盞階前
送客白茶花冰容恰好同心淨玉蕊還如鬪髮華剩有五千
文字在撐腸挂腹尙橫斜

一鉤新月薄如霜越顯佳人淡淡妝洗淨膏油新面首全拋
鋒穎舊旗槍春風良夜稱雙絕酒味茶香竟兩忘天亦有情
花有意齊來今夕助離觴

舟中作

已報韶光過禁烟一年一度送春船風披垂柳絲絲輒雨落

平川點點圓桑葉正含新綠
鴈桃花已作退紅
鴛鴦計程算到
春申浦猶及茶烹穀雨前

舟中雜詠

自初七日由杭河買舟赴滬
兒子鼎新隨侍春山如
笑春水如油
娛目賞心無非詩料
且舟中百事不交
詩思既專詩興無阻
終日口占隨得隨錄
茫無次第
也兒子時時間作亦附識之

泛舟樂事又翻新
與客何如與子親
桃李園中聚花萼
南山橋梓更精神

寶善書屋詩稿

卷六

四

一年最好惟三月
萬景橫陳付一舟
如此春光如此水
鶯花

不亞小瀛洲

小瀛洲三潭
印月坊額

美景良辰盡入詩
引人撚斷數莖
毳林鶯橋燕爭鳴
處正是

翁吟兒詠時

背身掣筆筆難移
曾笑羲之與獻之
兒正耽吟呼不應
書癡以後又詩癡

桃花紅間菜花黃
烘託還須借綠楊
生就丹青裁就錦
畫工

織婦遜精良

雜花亂草鬪芳菲
各逞烟姿飾翠微
天意猶嫌欠靈活
橫添

幾片白雲飛

十里烟村五里橋隔河時見酒旗飄居人不解其閒樂此福
便宜過客消

泊船登岸小徘徊恰遇斜陽晚市開買得幾條新竹筍穿花
扶柳自攜回

鶯湖宦轍記吾曾猶憶長河畫舫燈

昔年余宰嘉善由縣
赴府皆以夜行船莫

問高樓烟雨影夢回已報過嘉興

舊治重經已白頭戴星三載此閒留垂簾不敢船頭立怕有
高年識故侯

寶善書屋詩稿

卷六

哭

四更乘月復乘潮占盡千金一刻宵翻笑當年曹孟德南飛
烏鵲太無聊

靜中玩月入清虛一片光明點翳無始信坡翁詩不謬果然
穿柳見懸蛛

長笑子瞻不知弈詩題白鶴亦優游讓余父子同翻譜似此
蘇家勝一籌

終朝絮語性情兼半夜河亭鼓角殿一樣天倫團聚酒離家
味比在家甜

帆檣迅疾愁羈滯父子團圍怕別離

時兒子送余到滬
泊岸卽須分手

共此

一舟分兩念舟人求速客求遲

附兒子鼎新作

舟中卽事

臨平三月雨如烟兩岸鶯花送客船
遠水初明檣影直輕舟微盪櫓聲圓
夢餘睡味初回美酒後詩情欲放顛
難得老親吟興健推敲更比過庭便

舟行

雲護月微明橫江暮靄生洲回疑港盡
船穩識潮平美酒飲方醉新詩刪已成
生憎行太速未肯問前程

寶善書屋詩稿

卷六

晁

電綫

萬里音書一綫通魚鱗雁足兩無功
豈真縮地傳仙術直欲瞞天鬪鬼工
道路都歸尋尺裏光陰祇責寸分中
休將巧遞誇神速安穩從容驛有筒

題李香雪都轉詩集後

峨眉靈秀地間氣出詩人玉局推
前輩青蓮認後身名宜金殿顯句共
錦囊新摻抉心肝盡年華未六旬

不憂年歲促自有姓名香宦蹟襄江
遍詩才漢水長惜花情悱惻磨盾調
蒼涼我亦耽吟詠高歌學楚狂

滬上雜詠

酒市茶樓與戲場評香品色按宮商游人墮入沈沈霧身在
虛無縹渺鄉

意之所到便登車東市西塵任自如試看輪蹄塵起處居然

列子御風初

照夜休論燭有無重樓疊閣入冰壺電燈一片通明處不數

昭儀枕畔珠

一聲尺八不堪聽吹出長亭與短亭夜半江干車幾輛平沙

燈火散如星

此首乃輪船夜與兒子分手之情景也

寶善書屋詩稿

卷六

辛

次韻吳筠軒觀察重游泮水

吳剛本是桂宮仙又擷芹香下九天國老重行虞氏禮茂才

舊列漢廷員眼中英俊同瞻聖膝下兒孫復象賢令郎以優貢任學博

令孫即於是年入泮從此驂騑爭跨竈不須更羨祖生鞭

紫微花裏月斜欹秉笏親書夜所思手撫 封章驅

禁日口含

天憲下階時

公充章京十餘年

文章勁敵推同叔

令弟亦能文入泮最早

闈閣

知音有子期

令贈瑣夫人能詩

官職不須人料理看山曾以笏支頤

帝識兒寬古道存特宜內史出

金門已搖江右新旌影簡放江西鹽道猶記

朝端舊履痕沛澤長流彭蠡浦祥風吹滿吉州原至今人泛

西江棹尚聽耆民說感恩

西湖結社此心同頻把金鍼啟我蒙十月已廣思樂水八年

又宴廣寒宮宗人况復聯冠佩公同宗有同重游泮水者家學由來重治

弓讀到抗心班趙句青衿白髮盡懷忠公詩末章寄懷定遠充國憂國之心溢

於言表令人忠義之忱油然而生

哭柳曉峰老畫師

與子為姻婭童年至暮年情從兄弟結曉峰先兄妻弟交尙始終全

寶善書屋詩稿 卷六 五

抑鬱因時阨生平以畫傳祇餘長別憾楚越隔遙天曉峰以今年二月捐館時余在浙

月捐館時余在浙

記得頻年會何曾匝月違君原無可往我亦體於微風雨孤

燈榻盤殮廢圃薇此情胡可再老淚幾行揮

詠十姊妹花

趙家鬪豔惟雙穗楊氏爭妍只四枝安得十全歸彼美卻將

五耦數諸姬效顰不隔東西宅擁背難分大小姨一種天然

俚倚態絕無猜妬似兒時

靈秀居然萃一門名花十友許聯婚團欒密似桃根葉依附

蕃於竹子孫簇簇眉翻新譜樣纖纖指度舊鍼痕只愁嫁與
東風去各向窗前種合昏

次吳筠軒觀察八十自述韻

皇圖新丙戌科第老王辰愷弟平生度康強見在身早榮異
和靖晚釣卽元真遙想蓬萊宴稱觴遍四民

收得西湖秀傳家風雅存咀華同脈望抱籍念長恩遂以三
鱸業宏開駟馬門至今蒼鶴髮毛骨付諸孫

入參

中禁略出恤萬民依手已

寶善書屋詩稿

卷六

五

鸞書捧腰曾豸帶圍迭蒙

丹詔獎肯使素心違淡泊彌吾性非關鳥倦飛

泚水廬無恙燕山教有方妻推青梭孟子是白眉常涉世惟

謙吉周身以道防晚年吟抑戒竊笑毫而荒

泚水重游日詩成玉在前人皆尊大耄天以報高賢轉瞬龍

吟歲迴頭虎榜年卽茲雙瑞事萬口已爭傳

筠軒前年重游泚水轉盼王辰

又重宴
鹿鳴

公賢遺季子我醉訪無功櫟樹材難匹蓮花社幸同包容期

倖量誘掖賴和衷祇祝椿齊壽春秋運不窮

詠蘭孫

接家信知蘭草結果二枚橢圓淺碧色識者曰此蘭孫也

花以名稱難結果種緣嘉著不留根豈知古夢還承祖得見
幽蘭竟有孫湘水奇芬原未歇稽山賸馥訝猶存錫名端合
標書帶重秀康成通德門

淺碧依然抱古芳雙雙頭角已軒昂百年竹實同成瑞十月
梨花不算祥接萼棣猶象兄弟比肩蓮亦况姬姜天公別種
兒孫福留與他年作佩纓

孟秋養痾齋中懷朱裳吉

蘭苕隱幽壑翡翠揚其芳鴛鴦溢文采芙蓉爛齊光况復雲
實善書屋詩稿

卷六

七

表鶴高與朱霞翔蓬蒿仰而企結想徒旁皇嗟我邁貞疾養
痾圖書旁孟秋帶餘暑遲遲午陰長心靜百慮澹此念耿不
忘佳人在咫尺邈如隔異鄉安得聞七發捷勝千金方

佳人曾貽我貽我海南桂

裳吉曾惠我肉桂一枝

投之藥石閒馨烈達

肝胃人稜自三榘茯苓枉千歲南州稟炎德不如此一味孟
茶玉川甘嚴酒少陵醉匪唯物能靈亦緣人而貴文采一端
綺尙裁合歡被何況啟痾疾不徒供覆盞安得英瓊瑤報之
迺不愧

新秋

新秋晝猶長餘炎未全掃珍簟已虛設羅扇不嫌小嚼藕脆
勝瓜品梨甘逾棗素馨送暖香以之代芳草屋角日漸沈牆
頭月出早蟋蟀時一鳴虛堂靜且悄此心與之清不容一物
擾涼露侵人衣聊復綈裕表啟牖和月卧秋意入夢渺

秋夜獨坐

日落暑無力渺然秋氣臨我欲待明月不爲彈瑤琴隨意自
成趣何必泥一音蚊雷歇繁響螢火破夕陰清風偶一顧吹
我單衣襟道心隨之起書味潛來侵兒時所成誦信口微微
吟始知六經旨味之則愈深小婢不解事來報月已沈

寶善書屋詩稿

卷六

書

讀文選

兒時讀文選色動神飛揚遇有晦澁處如放飯得糠匆匆六
十載結習未竟忘偶然一默誦甘回味彌長始知古拙意中
含無盡藏後人矜便捷如遇猶之陽道途相誇譽自詡肩兩
狼豈知采風者隱懷輕利傷

古人不好盡言淡意入微偶然一二語點睛龍已飛景陽詠
史詩鋪陳二疏歸其閒敘述處平平了無奇末安一咄字滿
紙生光輝淺語妙天下可以千古垂一咄字中
含意不盡寄言破的者
安事努目爲

夜坐口占

月色涼於水螢光閃似燈洪纖不相掩道豈有三乘

重陽日次裳吉韻

攜壺又得快晴天之子不來心缺然

時裳吉以足疾未與登高會

君以跌

跣權學佛我雖爛醉不逃禪江山寥闕供高覽烟景依稀似
去年太息時方詠雲漢翻祈風雨速來前

時方禱雨

是日公集高觀書院作登高會到者汪佩珊劉望洲姚

鏡涵陳玉六鄭筱珊劉賓秋戴匯川何仲樸吳愛之

曹蓉臺劉子嘉袁朗軒及余與姪仲權也此會已第

寶善書屋詩稿

卷六

畫

三次矣

年年高會尙無厭坐上朋儕數漸添白髮故人還健在綠衫
年少不吾嫌占茲清福風塵少益以良辰菊酒兼要放尋幽
明月入呼童捲起水晶簾

裳吉夢與死友情話并叩冥中事友云樂甚九原親友

時相過從作規勸語而別世夢死友者多矣未有直
知其死而與談死後情形者亦佳話也爰和紀夢詩

此夢傳來又一新分明記得是陳人細談幽壤無窮樂歡結
良朋未了因始信九原真福地渾忘六道有回輪儻能循作

南柯例死別從今不慘神

十月十四日朱裳吉招賞菊以疾未赴嗣裳吉以詩來

并引以駢語爰依體次韻答之

重陽插萸之會獨少輞川彭城賞菊之筵竟無定國辜
負主人好客適逢病叟尋醫嘗鼎緣慳看花福薄饒同
坡老空垂雪縷之涎渴似相如未飲金莖之露仍拈騁
體用博盧胡並次原均兼祈兩正

晚節曾榮畫錦堂高標不是等閒芳况依玳瑁筵前月豈畏
鴛鴦瓦上霜陶令自饒三徑興秋娘猶是少年妝遙知諸老
寶善書屋詩稿 卷六 美
風流甚一舉應能累十觴

杜老兒童慣喜賓主人情比少陵真知君能致兼金饌恨我
難嘗一鬻新良夜風光展重九惱人天氣小陽春時十月十四日雖
然不是王摩詰竟作維摩示病身

余以浙茶贈裳吉裳吉浙人念是鄉味以詩來謝次韻
答之

佳茗佳人竝擅名西施獨占越王城聊爲騷客新詩引應記
山泉舊味清措大半張原紙薄玉川兩腋竟風生豈眞此物
逾常物草木無情人有情

因裳吉來詩有客愁二字特爲下一轉語

齊物由來不問名他鄉卽是故鄉城人閒香草皆同種天下
名泉共一清壯志應如鸞鶴矯閒愁莫爲蟹魚生不須更擬
思歸引肝膽原通楚越情

讀莊子

先生亙古一文人妙筆能翻新外新不但左盲愧前輩亦令
馬腐拜遙塵蜃嘘瞬現千樓閣龍怒橫驅萬鬼神莫對是翁
談道德操觚法訣有傳薪

讀莊子得四句勸人讀書

寶善書屋詩稿

卷六

七

糟粕精華互寄屯斲輪妙語細評論真知雖屬無爲謂聞道
終歸洛誦孫

寄懷張春陔同年

楚北杭游者惟君與我親一雙同譜客兩個七旬人漢水孤
搖槩荊州獨釣綸何時天噫氣吹合大江蘋

謝高白叔中翰嘉平廿九日惠金銀肘子紅白年餅

無肉將令瘦有餅不敢題故人趁新歲一棹竟雙攜饗尙東
坡似名難夢得齊何須知爾許且勸醉如泥

謝海甯州學博吳雨人惠火腿

余癸酉房薦士也

束脩原是尋常事，加飯方徵一片心。况復先生分苜蓿，強於
豪士贈贏金。秋風桂子猶如昨，潭水桃花共此深。紅樓堆盤
供一醉，竟乘中酒發高吟。

光緒丁亥正月詠雪

飛霰爲前導，迴風作後車。人憐欺竹葉，天欲鬪梅花。已掃塵
無迹，還嫌玉有瑕。吟詩能白戰，便是大方家。

月色嫌無質，霜威惜少稜。散爲千嶂瀑，聚作一條冰。簷蔔差
相似，庭萱未敢凌。何須喚獨冷，亦自解飛騰。

孰與龍刀試，誰將燕翦攜。裁成雲作片，切得玉如泥。高興輕

寶善書屋詩稿

卷六

五

驢背嚴寒重，馬蹏遙知小。兒女定唱白銅鞮。

送客莫嫌孤冰心，在玉壺不堪侵。鬢髮祇合作肌膚白地明。

光錦青山變相圖，偶然疑潑墨。亂撲一林烏。

清光淩水淨寒氣，入雲高玉散龍鱗。甲霜飛鶴羽毛祇應育。

麩麥安用滿弓刀，寰海開明鏡。妖氛暗遁逃。

爐火三分瘦窗風，一隙尖茶疑。今夕爽酒到此時，甜硯滴皆

成塊衣。絲欲起廉爲耽清，白景拌冷捲重簾。

器運規模巧，花爭頃刻奇。方圓隨所遇，開落竟同時。平地無

歧路，緇塵有素絲。茫茫成一色，楊墨亦何悲。

天上校詩囊紛飛紙萬張冰衡眞賞鑒玉尺細評量月姊歡
調免風姨怒叱羊聰明歸大塊洗出淨文章

琪樹原無種銀花不借胎雲篩修月屑水漾煨蘆灰弄玉閒
游戲飛瓊自去來瑤臺千萬座阿母一齊開

世界換三千如來葉葉蓮瓊瑤纓絡相樓閣鏡臺禪坦白千
僧足光明萬佛拳淨瓶誰踢倒舍利瀉諸天

咳唾生珠玉隨風落九天袖翻雙縞素雲舞萬嬋娟宋苑瑤
簪墜秦宮黛粉捐祇愁容掩媵又續白頭篇

有用由無用蒙莊旨最明糧充窮使者燈借老書生高士酣

寶善書屋詩稿

卷六

五

幽夢歌兒豔小名寒江一漁父得爾畫圖成

兔園何燕樂馬邑太牢愁國色歸瑤島才人半玉樓化生幾
蝴蝶逝者一蜉蝣祇賸蒼髯叟空山本色留

五色俱能受織埃未許蒙粟能藏世界粉竟碎虛空老樹微
拖綠長欄偶露紅垢瑕全掩匿覆蓋意何窮

何事寒滕六居然變大千石將填碧海玉已種藍田枕被香
薰透屏風肉裏圓嚴威竟迴避神亦解周旋

盤馬拋銀彈驅麟展玉鞭夜光紛曳履白打競分錢太尉銷
金暖先生敗屨穿至今高士傳壓倒舞衣筵

素玉神變化萬象入昭宣目擊皆溫伯爐融卽子淵良朋訪
江上高弟立門前消盡陰陽患應無內熱緣

倚杖覽飛沈持竿試淺深眩難搖老眼鏤尙費文心簾押敲
金響樓簷碎玉音吾鬚無可白不畏爾來尋

輓吳筠軒盛愷亭兩觀察

兩觀察中同科官同省歿亦同年同月生平同者甚

多故同輓之

芝蘭皆香草松柏并喬木一朝共彫謝雙淚竟聯續少年同

一榜末座衣皆綠二公同道光壬辰科中式中年仕一邦德政碑雙筠軒

贊善書屋詩稿

卷六

卒

仕至江西按察愷亭任至江西糧道晚年結一社鐵華幹相續生年齊大耋筠軒

年八十一愷年七十五歿日隔三宿筠歿於光緒丁亥正月初二日愷卽歿於初五日可謂終

始交亦占範疇福賤子以駕材謬許附驥足相從六十集曾

荷再三告余與二公社會已六十餘集矣食德飽餘味飲香沾賸馥交游已

忘形丰采猶在目道範兩尊彝文采雙鸞鴛故人忽偕逝春

風何太酷洪福舊橋板三元老坊屋洪福橋三元坊二公住宅鄉名倘使再

經過能無行躑躅

謝丁松生大令惠西湖集覽

名山多完書存者二三策其餘皆飄零付之瓦與礫松生古

儒者嗜古已成癖武林文瀾閣藏書散鋒鏑君家令兄弟同心爲尋覓拾之草棘閒購之市廛側日積而月累數幾滿其額此心殊未厭摻羅到鄉國西湖古名勝文人富遺墨所惜皆碎玉何人集全璧歲月就淹沒風雨遭剝蝕湖水如有知能無三歎息先生有心人重費集腋力旁采及百家哀成盈一尺以此災棗梨信當壽金石才鬼旣含笑聖湖亦增色風月與文章一舉而兩得揮金得其所不向虛牝擲紛紛障籠者當奉以爲式鄙人得此書喜劇忘寢食展卷對東風春光滿敝宅藏弄枕函閒永作卧游客

寶善書屋詩稿

卷六

全

題纏絲一字硯

硯自杭州市上購得長方式池中涵一一字鋒棱宛然上纏深淺碧絲一縷四旁有碧絲雙鈎一帶繞硯而周不歇不缺亦奇物也余以意名之曰纏絲一字硯詩以識之

一畫開天亦開地蒼頡絲之以造字女媧鍊餘一片石日浸月潤得其氣織女纏以五色絲欲爲貞珉表靈異上帝惜之造神工俛造全猴於棘刺得心應手入閒關字不破體絲不翳妙將巧匠運斤心琢就文人磨墨器坡老蒼壁今有傳文

山玉帶克追配始歎天生瑰異材不遇良工亦終棄

同人游西湖三潭印月凝香閣讀壁上彭雪芹宮保詩

次韻紀事

風景依稀似漢南暫拋鄉夢恣幽探梅殘春已平分半舟小
人何止兩三攜榼同傾新釀酒停橈先訪古清潭人言此老
癡聾外添得耽游一味愁

浮名浮利總塵埃且向湖山僻處來少保墓門松已拱相公

祠宇柏新栽

左文襄
祠落成

踏青猶占遨頭勝衰白難逢笑口開任

說雙眸昏似霧老年贏得看花回

寶善書屋詩稿

卷六

奎

瞻左文襄祠堂敬題二律

相公遺愛浙西東不愧巍哉祠宇隆把臂仍呼雙果敏

蔣果
敏齋

泉劉果敏克齋皆公舊部
亦皆同鄉祠俱前後相望

同心祇有一精忠

岳墓在
祠之左

亭臺餘

惠供游客山水奇觀報大功曾記隨班聆緒論經綸都在笑

談中

少年已慕武鄉侯自命先居第一流豈屑科名爭尺寸肯將

郡邑小謀猷出山便握封疆節聚米方持海嶽籌關外風霜

關內月使君到處大名留

武鄉侯

明知火德不重興志節拌同氣數爭西蜀猶能開帝業南陽
豈許再躬耕三分國裏人無敵五丈原頭憾未平留得祁山
明月在至今猶照漢家營

森然大樹互峨嵒任彼蚍蜉撼不移陳壽焉能知武畧曹彬
亦復昧天時臣心平正孤懸秤國手分明一局棋王佐經綸
儒者度紫陽史筆少陵詩

高觀山書院偶得

日落暑隨消涼歸不待招祇緣人有意來伴月無聊簷峻蟻
峭穩堂空蝙蝠驕階階蟲聲唧唧品出自然簫

寶善書屋詩稿

卷六

奎

未入桃源境居然懷葛徒偶攜井華水細養石菖蒲止酒甘
從白烹茶願學盧腥羶都掃卻真味出瓜壺

客少如秋燕人間似懶魚棚陰疏開密陣雨疾兼徐案設磨
人墨厨藏飽蠹書一披還一弄已是蝶遽遽

披導無良技

此言余之閱文雖無工夫而頗盡心力也

庖丁欲善刀奈因痂有嗜

又覺癢難搔杜宇空嗷血獼猴不置操老僧亦多事著力叩

蒲牢

題薛次申觀察雲巒擁翠圖

空翠從何來問山山不語巒谷相頌洞雲水互吞吐和以萬

點烟洗以千絲雨分之王母蓋褫之漢女羽地氣與天光醞
釀成媚嫵迥爲山所據擁之以終古雖然色相呈未容形迹
無游人坐其閒沾衣潤流礎迨以手拾之捉摸無定所盤結
有無閒變滅頃刻許始知空際色可玩不可侮或云苔蘚斑
或謂石泉乳兩重青排闥一掌綠入戶渲染費化工翦刻勞
墨楮持贈丹青人補作翠微譜

又題湖亭聽瀑

猩猩善唬狒善笑鸚鵡能言鵲能報盈階蟲語有聲秋滿地
蛙聲無理鬧不如洗耳空山中瀑流百道橫飛虹聆茲萬古
寶善書屋詩稿

卷六

奇

玲瓏響澆此千秋塊壘胸杭州潁州兩西湖玻璃千頃柳千
株沸泉吼流環左右一到此閒百慮無序伯

程序伯

老人發清

興欲收萬竅入清聽寫出天然水樂亭非絲非竹非鍾磬年
來自笑已龍鍾春秋社酒竟無功安能長此危亭上一振衰
翁雙耳聾

湖南羅烈婦周淑人徵詩

湘山淚竹痕不死千秋靈瑟在人耳至今沅澧有湘蘭芳烈
篤生奇女子女兒麗質壻清才二八芳年合鏡臺琴瑟雙調
歡意足翁姑相顧笑顏開豈知造物妬奇福三年已了百年

局夫子先乘不繫舟弱妻忍作孤生竹矧茲烈性毓湘君送
死先拌從死身一掬潛吞斷腸草九泉仍作比肩人拈毫我
欲續天問佳耦何無長年分天上雖然依合歡人閒何處覓
蠲忿補天采石賴風詩爭向滯湘和楚詞從今斑竹千莖外
宰樹新增連理枝

放歌

荷花紅漸稀桂花黃漸肥稀者成功退肥者當王貴退則采
花人不來貴則攀花客滿階荷花於春人不理桂花於夏亦
如此荷花之夏桂花秋青雲生足月當頭萬物各有盛時節
寶善書屋詩稿

卷六

奎

少年莫負佳日月佳日一去不復返秋荷冬桂悔已晚

鳥鳴於春若自矜嬌花姹柳扶其清蟲鳴於秋若自驕清風
白露助其豪萬物得時各有偶不招而來皆暱友一朝春去
夏將逼花落絮飛各寂寂一朝冬至秋將透露苦淒冷風怒
號花柳風露豈世情先於蟲鳥何逢迎後於蟲鳥何棄擲半
夜有力負之行以天合者尙如此以人合者可知矣悠然各
自保其天獨往獨來空傍倚干將不飾而自利白璧不藉而
自異因人成事不英雄附物成名非大器未審斯語然不然
秋蟲春鳥兩無言

偕同人高觀山登高口占呈裳吉筱珊

重陽登高本詩料古人相襲不相肖老杜但解登臺悲小杜
頗知開口笑悲則猿鳥皆減色笑則落暉亦返照山中花名
笑矣乎草木無情猶有竅那將百年有盡身徒供九日無謂
嘯不如及時且尋樂未必衰庸世不要年年循例攜壺觴處
處署名廣號名鄭虔慣作風月主料理盤殮頗入妙尊前不
管人是非座上休詢年老少次公少酌便發狂揎袖舞拳事
鼓噪豈無靜者嘲輕脫亦有通人怒荒髯酒客浮白春風生
林葉闌紅秋色闌老樹晚鴉窺人來空階明月不約到居然
寶善書屋詩稿

卷六

六

安坐飽多魚焉用江干自垂釣此時便是羲皇人任人笑我
接羅倒我亦自笑我僊僊不待風吹已落帽相視而笑有幾
人要拉慶餘爲同調

次裳吉登高韻

盛筵無主亦無陪祇倩西風代一催佳節人皆爭試屐故交
情更厚於酷居然景好如三月此是人間第四回良會自今
長不了何勞甲乙數憑枚

武昌嘉品入盤初回憶南屏金鯽魚君以達觀爲逆旅我將
傳舍冒吾廬

裳吉本浙人
余亦久宦浙

錢江漢水何分別楓葉蘆花正密

疏衰老猶能一酣舞強於風雨病相如

姚鏡涵學博六十壽筵口占

德心培就壽根芽六十春秋發軔車棣萼
孳然兄弟樹蘭陔
爛若子孫花一門和氣爲奇福衆口同聲說舊家
此是延年眞種子蟠桃仙棗總虛誇

除夕口占

饑歲慣西湖今年戀故廬但教身好在不厭夕
將除破夢循吾例余逢除夕皆不睡挑燈讀我書辛盤萃鄉味知有武昌魚

光緒十四年戊子元旦

寶善書屋詩稿

卷六

七

風雪都休息除夕風雪黎明皆住居然漏旭光得逢元日霽知是一年

康拜跪勞還耐歡娛老亦忘西湖休惜別有葦尙能杭

又口占

今年樂比去年強兒婦新歸自遠方容冬兒子由杭攜眷回獻歲酒應

寬備取宜男草亦暗生香兒子新納婦人已有妊八九月烟雲結篆神同悅

風雪圍爐話更長屈指元宵佳節至團圓要與月分光

新正二十五日兒子妾生男

正玩貓兒一綫睛午時生家人簇擁賀孫生阿翁自笑癡聾慣

不聽呱呱墜地聲

去歲蘭孫雙結果今年玉樹竟開花國香不報虛空信從此
徵蘭話更嘉

風日晴和春意濃門間佳氣鬱蔥蔥新雛合有修來福生在
梅花郁烈中

三月初五日薛次申觀察招飲

白頭人泛紫霞觴東道情深老不妨座客滿如今北海圖書

富似古歐陽衰年眼福開新界

是日披閱名書
畫冊十餘種

公子身名已

太常好與

清時備梁棟續栽南國舊甘棠

寶善書屋詩稿

卷六

六

晉公勲業與名標

唐薛稷才
封晉公

曾以屏藩靖海潮掃盡封狼看

撥霧養成雛鳳自凌霄一門勝事傳當代三月春光萃此宵

今夕真成良宴會海棠花下燭高烧

山中晚步

夕陽猶戀嶺游興正當時細認無名草勤尋有字碑晚風催
月上遠樹引雲垂何處鐘聲起禪心動一絲

三月二十四日彭思柔中翰

味之少
宰之孫

招游漢陽伯牙臺

因風雨未往遙成二律

此地曾陪老侍郎攜柑煮茗話滄桑那知宿草剛收淚又見

孫枝一舉觴臺有游人花燦爛琴無識曲譜銷亡憑君莫話
牙期事且聽黃鸝啼綠楊

郎官湖畔草如茵歷歷晴川樹結鄰舟楫曾迎唐太白香烟
舊祀息夫人佩環褰屐屐都陳迹芍藥櫻桃正晚春遙想一杯
藍尾酒定隨風雨篋芳辰

次日
立夏

輓劉可亭

大清又出一疇人小傳憑誰紀逸民管輅較來猶得壽黔婁
在日不言貧雕肝鏤腎無閒晷意匠心機送此身所憾衰年
失談侶徒揮老淚灑麟塵

寶善書屋詩稿

卷六

充

贈王繼之

我邦有循吏來自黔南天黔南五千里舌音無變遷

吾楚口
音與雲

貴相似接談如對鄉人
亦理之不可解者也

異哉楚與黔應求有因緣吾宗有端

人性情樸而專近捧大吏檄涖治城西偏萬戶入圖籍百姓

無怨言

君委辦吾里保甲已歷
三年事辦而民不擾

阿咸從之游性洽情亦聯舍

館與傲廬祇隔屋數閒風雨相過從時節相周旋酒泥不辭
醉語長或廢眠忘形到癡叔不嫌步兵顛遂結兩世交忽已

三歷年我輩愧咸籍君才邁仲宣擬之竹林友或不少讓焉
比聞別有期作尉紅崖山此邦楚邊塞佐理頗煩難君以悃

幅吏當拍宣義肩願君體慈惠水火濟猛寬願君守忠信中
孚涉大川勤乃敷政幹儉爲養廉丹可以宰一邑爲慈父母
官可以領一郡爲古太守賢充之爲顯宦柄鑿無方圓我尤
有私望來泊吾鄉園吾當率吾姪聽琴宓堂前

送春

詩人送春例有句不知春固未嘗去春未嘗去而送春是猶
在家作別賦四時都歸春管理夏乃承春之緣起秋乃斂春
之英華冬乃釀春之根柢一年四季春長留迎春何喜送何
愁分明日在春光裏作送春詩合罷休

寶善書屋詩稿

卷六

卅

琳齋詩稿卷六終

姪廷懋
紹曾校字
男鼎新

琳齋詩稿卷七

江夏王景彝琳齋氏著

喜張正甫

同年春
咳之子

明經攜其子齊伯來話舊

剝啄聲中叔黨來恩恩數語笑顏開喜聞把盞坡翁健快觀

銜枚楚老才

時正甫父子
均來鄉試

千里相思江上水一枝難寄隴頭

梅

余與春咳書
信半付浮沈

要知我輩心交處不在區區寸楮裁

故居增構屋三閒特起高樓納遠山舊對江湖為屏障新栽

竹樹已回環十千酒價貧能辦二九峯嵐秀不頑

有太湖石
十八峯

我欲買舟來董澤與公關健一躋攀

寶善書屋詩稿

卷七

哭柳耀臣

名煊邑廩生文字俱佳馳名庠序曾從余游
督學取准優貢榜前數日而逝年甫弱冠士

林同聲
悼惜

忽報河東玉樹摧茫茫天道費詳猜豈真汝族難延爽亦是

吾門不載才明月會同讀書樂空山尙剩講經臺

耀臣從余
於高觀山

日嘗與之登磐石上講易余
指石笑曰此我輩講經臺也

而今回首都成夢琴曲飄零笛

韻哀

五載依依問字緣堂前懸榻尙依然文宗揮淚來歸賻多士

招魂爲設筵金榜榮名無命列錦囊佳句有人傳明經一席

猶虛受喘息難容十日延

長沙李黼堂中丞來函中有摹寫公喪明余重聽一段
語妙天下戲成長律答之

公也隨蝦我學龍豈眞爲母與爲蟲左明借筆修青史杜老
呼兒問北風佛法最難無眼耳文章聊以補盲聾夔夔各有
天然趣試問當年夢蝶翁

光緒十五年己丑元日

今歲逢元日歡情在一孫繡衣方入抱喜氣已盈門自覺衰
顏起還增笑語溫屠蘇甘最後不惜倒金尊

二月初八日薛次申觀察招飲

寶善書屋詩稿

卷七

二

入門一笑始知春四壁花光照眼新去歲猶留曾把盞今年
又作賞心人酒腸未必寬無量食指翻噉動已頻踏破菜園
我何懼牛羊再至亦柔馴

獨坐

心境淡如水春光濃到梅捲簾放香出掀牖引風來日射書
函展塵消硯匣開何須問桃李芳信已潛催

次李鏡蓉

名傳熹孝感人
道光己酉拔貢

見贈原韻

自笑支離叟頽然廢一官
近患耳聾白頭誰肯顧青眼忽來看君
學過昌谷余才愧子安相逢似莊惠濠上願同觀

一管生花筆爛爛古鼎尊文章標漢渚菽水戀衡門萊子斑
衣戲臯魚血淚痕至今傳孝德佳話滿江村

手披投贈句高調接陰何珍重逾雙璧莘絲壘四歌輸茲買
田少贏得著書多請看營營者冥鴻入網羅

初會曾西浙重逢在故鄉自慚成散櫟敢說憇甘棠交似金

蘭合人同筆硯忙

君教讀余主
講皆筆耕也

瓣香分貢樹橘柚共淮揚

君

西余丁酉拔
貢先後同年

吾邑陳作舟家天竹數百年物也適承主人招飲因得

縱觀爰成長歌以誌嘉樹我非韓宣竊比廬秉

寶善書屋詩稿

卷七

三

姬家曾遺古甘棠劉家又聞羽葆桑田家兄弟紫荆樹岳家

父子老柏香從來良木隨旺氣然皆獨本以表異不如君家

天竹多且嘉萬木叢中此爲最我撫此樹詳咨詢云是祖宗

培植存至今嘖嘖里人口遂以天竹名其門其根深且固其

幹夥且聚蔚然霜飽數百枝不知月圓幾千度我聞修竹稱

高節此竹無節亦不折我聞修竹稱虛心此竹有心亦不裂

無節依然有骨力有心依然無戕賊無節曲轅社旁櫟有心

孔明廟前柏况乎此竹冠以天博厚悠久皆天然天之所與

人難奪天之所佑福乃全總之其德難備述堅勁之中藏柔

密堅則兵燹不能傷勁則冰雪不得戕柔則蜂蝶不相妬密則蟲蟻不敢藏抱此四德游於世不作散材作大器開花羃羃皆瓊瑤結子纍纍皆舍利又聞此竹產佛國祇樹園中留手澤一花一葉一如來要與青蓮鬪靈迹雖然天品藻仍須人護保但使德星夜夜輝自然慈竹年年好君家本是書香族子孫森森如立竹願君保護慎始終保此天然壽考天然福

瓶花

名花不能自擇鄉位置惟聽人低昂花不能言意所向我閒

寶善書屋詩稿

卷七

四

代花細忖量斷橋流水俗塵攬珠簾玉柱繁華擾豐約都牽滯礙緣不如入我瓶中好既無惡客威棱侵又無統綉勢利尋祇餘霜髮七旬叟獨抱冰壺一片心薰以書香濃而烈澆以硯水淡而潔不驅而去閒蝶蜂不招而來好風月一瓶相對如守口此瓶不羸亦不朽吟罷新詩笑問花不知此是花意否

首夏卽景卽事成六言四首

乍雨乍晴氣候半單半袷衣裳袞換薄袞未卻扇攜紈扇猶藏

新燕長成爭舞鳴鳩嗁倦少休不雨魚兒浮水無風犢子盈
疇

水綠秧還吐綠花黃麥更堆黃柳絮幾團白戰薔薇一架紅
妝

夢景匆匆短夜花陰寂寂長天小婢時偷午睡老人漸慣長
眠

誌感六首

追念微名所自質
實言之不計工拙

劉星南師

名昌傑黃岡人
郡廩生歲貢

平生祇一師

業師祇有公一人
餘皆受知師也

足繼劉黃岡星南乃其字江

寶善書屋詩稿

卷七

五

城開講堂從游我最久十年依門牆我師重實學四子語焉

詳一年講一周終歲聲琅琅

每年必講完
四書六本

口講兼指畫不頌

高頭章耳熟心輒識語語入肺腸勿勿六十年回首如侍旁

至今書大旨約略尙不忘教誨亦多術惟此益最長偶然構

一藝書理未廢荒總緣根柢固乃令枝葉昌持此以衡文略

辨古戰場銘心佩師訓涕泗沾衣裳

許魚泉師

名映藻雲南翰
林湖北督學

勺庭郡書院十邑並許投使者正試暇循例歲一摻滇南有
老宿愛才如荊州我時年十五橐筆逐儕儔童心猶未淨文

字類楚咻乃出於黃口竟得邀青眸拍案詫異才謂是古純
鈎拔冠千人軍評爲第一流從此一童子名字動諸侯時公
方內遷未獲遂拔尤臨行猶慰語待我鳳池頭惜我終不達
老於孝廉舟未副師屬望至今心慚羞六詔七千里魂招不
可求引領望南天寄恨與雲浮

袁金谿師

名銑麻城翰林官至給諫

金谿袁太史主講江漢院觀書心似月衡文眼如電士林畏
愛兼文習頽靡變豈惟學有源益以道自灌不肖恐知名懷
私愁見面我時年十七徼倖與游泮月試第一回心怯強完

寶善書屋詩稿

卷七

六

卷豈知小兒語乃入老成盼謂我辭不腐搖曳丰姿絢勗我
須努力科第如操券是課子與人歌兩章題超等只八名置
余第八批云吐屬不腐搖曳生姿望而
知爲功名
器努力從此細批導善誘真不倦五年聽講經猶記白羽

扇憾我入棘闈不售但空薦公閱登科記代發遺珠歎及我
騰拔萃公竟未曾見公以道光丙申十一月歸道
山余以是年十二月得拔貢悲公期我

達我璞終未獻感公成我才我學終未貫二者皆負公相對
實顏汗至今過講堂難禁涕如霰甲子將一周師長凡幾換

猶聽士林口爭說袁給諫試牘垂金科題解鋪玉案公所選
課藝及

零星題解後人
爭刻以爲模楷足徵讀書人皆有眞月旦我今占高觀學淺

難爲殿惟有文法律隱留一綫

朱久香師

名蘭浙江餘姚探花
官至閣學督學湖北

紫陽有賢裔分在會稽山一甲第三人聲價重木天道光歲
甲午持節江漢閒振拔在寒素閱閱不屑攀擡舉在文字情
面不可干我時方弱冠學薄才亦單不料歲科試兩列多士
前丁酉開拔科才人紛比肩吾鄉多蘭蕙焉能及蒯管及至
貢榜發微名竟高懸鄰里驚異數我亦詫奇緣謁公公屬意
許依幕府蓮郎西楊童子庇厦在我先郎西楊下芳號信余
係公所幕中飲食而教誨培此兩少年明年赴

賢善書屋詩稿

卷七

七

廷試又得茅茹連廣文雖云冷居然列一官倘非松柏蔭安
得苜蓿盤勿勿十餘載海宇生烽烟亂離將一紀重見海安
瀾乃握郡學篆更泛孝廉船夫吏錄微勞之江遂備員師弟
眞夙分適在公鄉園適公方致仕謁公武林垣窺公意頗慰
期我鳴琴絃公家正昌熾三鳳方騰鶩一子持使節尤能家
學延屈指五十年時勢多變遷公墓已宿草我年亦華顛說
德重山嶽說報無滴涓惟祝公後代世世貂蟬聯

金殿珊師

名光杰黃陂翰林官至
給諫時主講勺庭書院

督學揚我名

謂魚泉師

先生繼其聲督學譽過分先生爲之徵異

才與雋才魚泉師批余文有少年得此真雋才也之語受之

實若驚給諫金谿師在江漢先生在夕庭龍門開兩扇士倚為

重輕賤子皆見錄得毋有三生不然學未夙胡為譽無更從

此師課試總符月旦評高則列為魁下不出七星偶然試雜

擬亦許我有成先生本鴻儒一精無不精文章該衆體法律

若長城真才必愛才異能必重能本來通臭味况乃出性情

深心掖後進大氣嘘羣英天以奪標子報其好士誠傳臚第

二人握節而持衡爾日正妙年翩然一九齡嗟余雖不達不

必鳴不平

寶善書屋詩稿 卷七

唐子方師名樹義貴州舉人由湖北江夏縣游升湖北方伯督水師金丁甸節

牧民復課士邑宰之所同獨有至性人憐才乃由衷秦誓一

个臣其心實能容賢侯子方氏拔我於童蒙優我杯酒裏馨

我名宿中維時蓮花幕廣集杞梓叢沔陽古劉向謂孝長先生監

利今王充謂子壽先生中郎史才擅元方家學工謂蔡黃樓陳小筋兩先生偶

然德星聚不嫌小草從人言蠅附驥我羞蛇作龍天風一吹

散萍梗紛西東蘭州與楚藪雲樹千萬重公以密保得甘肅知府我以拔貢司

鐸黃梅及公再來時江漢盈兵鋒公持方伯節樓船一元戎以

布政使二品頂戴督水師我羈宛邱舍山林一飄蓬上書偶一達奉袂焉

能逢方辦間道走一尋立雪蹤豈料破浪客翻爲渡河公時

師不支公竟天心未厭亂豪傑賈志終風前兩行淚灑向愁

殉節於金口雲空上爲斯世悼下爲知己恫

八月初八日喜仲權姪得子

汝同胞二人汝兄一舉子汝年四十八再索方繼起兒生亦

常事遲暮斯可喜尤妙入闈辰是年恩科時呱呱先墜地

使汝心意安歡生矮屋裏美滿助文思鬱蔥落彩紙或憑入

夢熊引起登門鯉蔚然成兩好鹿鳴續麟趾汝弟於去年亦

幸設弧矢汝今又得雄後先相濟美老人掀然笑餘疾霍然

寶善書屋詩稿 卷七

九

已引手弄兩孫左右勞十指不但勸加餐亦復慶益齒

中秋日作餘疾未了靜養齋中

病體不耐冗安坐難遣日思量惟作書不勞亦不逸多少隨

其意工拙隨其筆點畫任欹斜結束無期必初尙苦生澁漸

覺歛縱軼字數日增行字畫日歸律體標新態度手消舊戰

栗夙苦手戰病後轉不戰書成對之笑因字得醫術血氣默而運沈痼

爽然失樞以動不蠹輪以旋不裂始知染翰墨可以代參朮

錄茲山兔功掃彼河魚疾時腹疾初痊涼風從西來夕陽映我室

今夜三秋半當浮大白一

中秋夜坐

蠟影三條燼螢光幾點流茶香人不寐詩意在心頭

偶成

一甌清茗一爐香滋味長時日亦長說與紅塵人不信垂簾
默坐讀書堂

飲酒

飲酒以解愁酒先爲愁蔽飲酒以合歡酒先爲歡累了然無
愁亦無歡真意流行方寸閒淡泊之中滋味出但懷始覺醉
鄉寬否則溺者爲流連甚則豪者爲

寶善書屋詩稿

卷七

何曾仙

飲茶

陸羽譽茶茶無功放翁毀茶茶無過譽茶未免類嗜痴毀茶
惟知耽高卧一有所偏卽失真皆非玉茗之解人屈指古來
飲茶者似推玉川高且稚一椀至五椀曠懷正瀟灑胡爲六
椀兩腋竟風生胡爲七椀白日竟飛昇此言河漢吾不信毋
乃誑語溷茶經茶中真味究誰知惟有東坡煎茶詩竟把佳
人當佳茗一甌睡足日高時

雜擬

屈原雖放逐離騷垂爲經賈生宦不達今傳王佐名李杜憐
一第詩壇誰敢爭韓柳無顯位文苑孰抗衡宇宙三不朽何
曾盡公卿富貴勿自喜貧賤勿自輕不見魯仲連豈以軒冕
榮

弈秋一枰棋由基一束矢庖丁一柄刀蔡倫一堆紙遂壇千
秋名壓倒百家子藝必求其精不在務高名業必求其專不
在誇多能與其富五車曷如守一經

山中蚤起

高觀書院作

家石慣蚤起居山興不衰披衣出門

步汎蒼苔登高一

善書屋詩稿

卷七

星紅霞起東隈朝旭尙隱約霧薄

蘿習聳不見形樹

深鳥啾啾寺鐘忽一擊心神悠然開漸看挑菜人
堆團藥作小市居然成一街亦有習射客正鵠立似牌雜以
弄鎗手子落生黃埃牛馬爭嚼草取芽棄根芟人物會有役
顧我獨徘徊歸來客適至坐定茶一杯問我鞋胡溼草閒踏
露回問我衣胡潤嶺上穿雲來當時渾不覺問始悟方才名
利爾不事侵曉胡爲訟客笑我亦笑東旭已及階

卷七待續

姪廷懋校字

男鼎新

